

四庫全書

集部

欽定四庫全書

集部

四六標準卷四十

詳校官庶吉士_臣何道沖

主事_臣呂雲棟覆勘

總校官進士_臣繆琪

校對官助教_臣羅萬選

謄錄監生_臣倪景寬

欽定四庫全書

四六標準卷四十

宋 李劉 撰

賀冬

賀楊尚書

汝明○楊汝明青神人舉進士為成都府觀察推官時吳曦叛汝明不受逆僞

之招及曦平宣諭使吳玠以聞遂

召汝明入補官累遷工部尚書

貢禹舉冬式敬人時之授

魏相傳趙堯舉春李舜舉夏兒湯舉秋貢禹舉冬應劭曰

四時各舉所施行政事服虔曰主一時衣服禮物朝祭百事也師古曰高帝時自有一貢禹尚書乃命羲和歷象日月星辰
敬授人時 伯趙司至肇迎天統之長
左傳鄭子曰我高祖少皞摯之

立也鳳鳥適至故紀於鳥為鳥師而鳥名鳳鳥氏歷正也玄鳥氏司分者也伯趙氏司至者也注伯趙伯勞也以夏至鳴冬至止唐于尹躬詩官稱伯趙氏色辨五方雲律歷志十一月乾之初九陽氣伏于地下始著為一萬物萌動鍾於太相維玉帳之籌杜詩空留玉帳術李陰故黃鍾為天統

東坡詩玉帳夜談風雪苦注玉帳歸幹璇璣之柄食貨志擅

將軍帳也古有玉帳經詳見上卷

幹山海之貨師古曰幹謂主領也音恭惟某官望隆星

履杜詩持衡留藻清湛冰壺杜詩金鐘大鑪在東序永鑒聽履上星辰

仁風舒柳以放梅上卷和氣生芸而挺荔禮記仲冬之月芸始生荔

挺出注芸香草也荔挺馬齒也芸音云荔力計反正義曰以其具香草故應陽氣而出說文芸草也似苜蓿著

於衣書辟蠹漢種之于蘭臺石室藏書之府荔似蒲侯而小根可為馭本草馬蘭江東呼旱蒲多植於階庭侯

伯以七為節教民既閱於七年

周禮典命侯伯七命其國家宮室車旗衣服禮

儀皆以七為節注侯伯之城蓋方七里宮方七百步

天下有三達尊論道亟登於

三事

尚書論道經邦變理陰陽又立政任人準夫牧作三事又三事暨大夫韋玄成傳於赫三事師古曰

三事三公之位也

某寸材線短

北夢瑣言韓昭仕王蜀至禮部尚書文思殿大學士粗有文章

至於琴棋書算射法悉皆涉獵以此承恩于後主有朝士李台暇曰韓八座事藝如折襪線無一條長時人譴之歲時記晉魏間宮中以紅線量日影冬至後日添長一線雜錄唐宮中以女功揆日之長短冬至後比常日增一線之功杜詩何人錯憶一障灰寒張湯傳居一郭窮愁日愁日愁隨一線長

一障灰寒

間師古曰障謂

塞上要險之處別築為城因置吏士而為鄣蔽以扞寇也莊子心若死灰韓安國傳死灰獨不然乎杜詩眼穿當落日心死著寒灰續漢書以葭莩灰實律之端按律而候之其月氣至則飛灰而管通杜詩刺綉五紋添弱線吹葭六琯動浮

困窮井遷要匪井遷而射鮒

射石亦切鮒音

灰此一聯用此意

付繫辭困窮而通井居其所而遷注處窮而不失其道井所居不移而能遷其施也易井九二井谷射鮒甕敝漏象曰井谷射鮒无與也孔疏云井之為德以下汲上九二上無其應反下比初如谷中之水下注轍鮒井而似谷故曰井谷射鮒也子夏

剝爛復反但希復反於屠

傳云井中蝦蟆呼為鮒魚

羊繫辭剝爛也復反也注物熟則剝落也莊子楚昭王失國屠羊說走而從於昭王昭王反國將賞從者及

屠羊說屠羊說曰大王失國說失屠羊大王反尚憐九國說亦反屠羊臣之爵祿已復矣又何賞之言

地之微芒

杜牧之詩陽德比君子初生甚微芒排陰出九地萬物隨開張

曲借五雲之

終蔭

左傳凡分至啓閉必書雲物周禮保章氏以五雲之物辨吉凶水旱降豐荒之祲杜詩五雲多處是

三台

賀桂制置

如淵○庚寅○按庚寅為理宗紹定三年時梅亭年五十七宋史理宗紹定五

年四月以寶章閣直學士桂如淵頃帥蜀日北兵攻城不能合謀死守而遁致軍民罹殃反以捷聞詔褫職罷祠

舉貢禹之冬人時敬授

見上條

司伯趙之至天正踐長

曹植

冬至獻襪表伏見舊儀國家冬至獻履貢襪所以迎福踐長風土記天日正南黃鍾踐長粥饘追萌微納休昌

餘見有元帥之詩書

左傳晉謀元帥趙衰曰卻縠可說禮樂而敦詩書詩書義之府

也禮樂德之則也德義利之本也君其試之

庸介宜民之福祿

詩宜民宜人受祿于天干

福百祿子孫千億

恭惟某官德潛剛克道配陽休前茅中權威

已肅武功之草

左傳左轅右追蓐前茅慮無中權後勁詳見前漢志右扶風武功縣古邵國秦孝公始置

嶺山北至郿入渭一統志武功縣古邵國秦孝公始置

武功縣以武功山水為名舊在郿縣境武功山在縣南

一百里北連太白山最為秀傑杜詩遙瞻太白雪喜近

武功天五丈原在武功縣西南七十里即諸葛武侯屯

兵處采薇遣戍人期聽文德之麻

詩序采薇遣戍役也文王之時西有昆夷之患

北有獫狁之難以天子之命命將率遣戍役以守衛中

國故歌采薇以遣之出車以勞還杖杜以勤歸也玉堂

雜記凡鎖院文臣職事明諒由於菟顧兔之交蘇子由守歲詩

日赴文德殿聽麻詳見前

於菟絕繩去顧兔追龍蛇奔走十

二蟲羅網不及遮注是歲壬寅

少陵至日遣興詩憶昨逍遙供奉班去年今日

侍龍顏麒麟不動爐烟上孔雀徐開扇影還

椿齡彌

永槐陰益高某竊詫五雲並見前苟容再歲井勿幕于元

吉在上猶冀有孚易井上六井收勿幕有孚元吉象曰元吉在上大成也王弼注處井上極

水已出井井功大成矣故曰井收幕猶覆也不擅其有

不私其利則物歸之往無窮矣故曰勿幕有孚元吉

復閉關而商旅不行尚何祗悔易復象曰雷在地中復先王以至日閉關商旅

不行后不省方初九不遠復無祗悔元吉王弼注冬至

陰之復也夏至陽之復也故為復則至于寂然大靜先

四六標準

王則天地而行者也不遠而復
幾悔而反以此脩身患難遠矣

賀黃制置

伯固

暢月建子觀復見兩儀之心

呂氏春秋仲冬之月命之曰暢月注陰陽在上民人

空閑無所事作故命之曰暢月禮記疏暢充也言名此月為充實之月當使萬物充實不發動故也禮記注仲冬者日月會於星紀斗建子之辰易復其見天地之心乎王弼注復者反本之謂也天地以本為心者也寂然至無是其本矣故動息地中乃天地之心見也繫辭易有太極是生兩儀王弼注有必始于無故太極生兩儀孔疏云不言天地而

至日得壬帥師應三錫之命

仲冬月令

之月其日壬癸注壬之言任也癸之言揆也日之行東北從黑道閉藏萬物月為之佐時萬物懷任于下揆然

萌芽又因以為日名焉易師九二在師中吉无咎王三
錫命王弼注以剛居中而應于上在師而得其中者也
行師得吉莫善懷邦邦懷衆
服錫莫重焉故乃得成命
時維玉帳見三十九卷賀制置安撫條

妙合璇璣

見前

恭惟某官濟北

一編

張良傳出一編書曰讀是則為王者師後

十年興十三年孺子見我濟
北穀城山下黃石即我已

汝南千頃

後漢書黃憲字叔度汝南慎陽

人也郭林宗少游汝南先過袁闕不宿而退進往從憲
累日方還或以問林宗林宗曰奉高之器譬諸汎濫雖
清而易挹叔度汪汪若千頃陂
澄之不清濁之不濁不可量也
和門畫靜士知挾纊之

溫

周禮以旌為左右和之門注軍門曰和今謂之壘門立兩旌以為之敘和出用次第出和門也疏左傳曰

師克在和不在衆田獵象戰伐故其門曰和門也唐禮志仲冬之月講武於都外建旗為和門如方色左傳王

拊而巡之三軍之士皆如挾纊

候析宵沉民謝閉關之樂

易重門擊柝左傳魯擊柝

聞于邾謂判兩木夾於門為機相擊以警夜也後漢書閉關謝西域易先王以至日閉關

顧恐六日

四分之鳳律

後漢志元帝時郎中京房知五聲之音六律之數郎宗學京氏易善六日七分崔子

玉明京房易傳六日七分又太史待詔張隆以四分法署弦望月食加時晉書藝術傳臺產善星算六日六分之學孔穎達七日來復疏云按易緯指覽圖云卦氣起中孚故離坎震兌各主一方其餘六十卦卦有六爻爻別主一日凡主三百六十日餘有五日四分日之一者每日分為八十分五十分為四百分四分日之一又為二十分是四百二十分六十分卦分之六七四十二卦別各得七分是每卦得六日七分也剝卦陽氣之盡在九月之末十月當純坤用事坤卦有六日七分坤卦之盡則復卦陽來是從剝盡至陽氣來復隔坤之一卦六日

七分舉成數言故輔嗣言
凡七日也鳳律見上卷

將催五更三點之鵝行

杜詩去歲

茲辰捧御床五

獻履徑上於星辰

曹植冬至獻襪表曰

更三點入駕行獻履貢襪所以迎福踐長臣不勝感節拜表奉賀并獻
絲履七緹襪若干副後魏崔浩女儀近古婦人常以冬

至日上履襪于舅姑踐長至
之義也杜詩聽履上星辰

合璧長依於日月

尚書考靈曜冬

至日月五緯俱起牽牛初
日月若懸壁五星若編珠

某身依雲茫心實灰寒

白樂天詩

心灰不似爐中火
鬢雪過於砌下霜

雷在地中想魏博三軍之喜

易雷在地中復

先王以至日閉關魏博二州唐隸河南道元和郡縣圖
志魏州春秋時晉地戰國時魏衛二國之地秦滅魏置
東郡滅趙置邯鄲郡漢以秦邯鄲之南郡東郡之地置
魏郡博平郡春秋時濟之西界聊攝地也戰國時為齊

地秦漢為東郡也章孝標雪詩朱門到曉難盈尺盡是
三軍喜氣消東坡詩三軍喜氣鑠飛花睡起空驚月在
沙
水解漕下乏營平一線之功趙充國傳以定冊尊立

漕下明皇雜錄唐宮中以女功揆日之長短冬至後比
常日增一線之功焦氏筆乘云杜詩刺繡五紋添弱線
又愁日愁隨一線長魯直詩官線添尺餘皆指女紅以
驗日也荆楚歲時記則云冬至後日影添長一線又與
此異未
知孰是

代回大理趙少卿

師石

緹陽襲管

後漢書律歷志候氣之法為室三重戶閉塗
罅必周密布緹縵室中以木為案每律各一

內痺外高從其方位加律其上以葭莩灰抑其內端案
歷而候之氣至者灰去其為氣所動者其灰散人及風

所動者其灰聚蕭慤詩天宮初動磬緹室已飛灰杜詩
吹葭六管動飛灰韓偓詩中宵忽見動葭灰劉商詩灰
管移新律窮
綫景延主
晉魏間宮中以紅綫量日影冬

陰變一陽
至後日添長一綫周禮大司徒以土圭之法測土深正
日景以求地中易緯通卦驗冬至之日植八尺之表日
中視晷景長短以占和否周髀云成周土中
夏至景一尺六寸冬至景一丈三尺五寸
候六律而

合八能既滋羣動

易通卦驗冬至始人主致八能之士
或調黃鍾或調六律或調五行或調

律歷或調陰陽或調正德樂協圖徵八能之士以日冬
至作陰樂以成天文後漢書禮儀志冬至使八能之士
八人或吹黃鍾之律間竽或撞黃鍾之鐘或度晷景權
水輕重或擊黃鍾之磬或鼓黃鍾之瑟或擊黃鍾之鼓
樂叶圖徵聖人作樂非以自娛所以觀得失之效故不
取備一人必從八能之士故撞鍾者當知鍾擊鼓者當

知鼓吹管者當知管吹竽者當知竽擊磬者當知磬鼓瑟者當知瑟故八士曰或調陰陽或調律歷或調五音故撞鍾者以知法度鼓瑟者以知四海擊磬者以知民事鍾音調則君道得黃鍾蕤賓之律應鼓音調則臣道得太簇之律應管音調則律歷正夷則之律應磬音調則民道得林鍾之律應竽音調則法度得無射之律應瑟音調則四海合歲氣百川一合德鬼神之道行祭祀之道得如此則姑洗之律應五樂皆得則應鍾之律應否則敬五刑以成三德宜介百祥尚書惟敬五刑以成三德一人有慶兆民

賴之其寧惟永又作善降之百祥

恭惟某官同寅協恭

見前分職率屬尚書

六卿分職各率其屬以倡九牧阜成兆民

各抱黃鍾之氣韻

禮記仲冬之月律中黃鍾高誘

曰陽氣聚于下陰氣盛于上萌于黃泉下故曰黃鍾晉書樂志冬至德為上土色黃故曰黃鍾共司丹

筆之簡書

會稽典錄盛吉字君達拜廷尉吉性多仁恩務在哀矜每至冬月罪囚當斷其妻執燭吉

手丹筆夫妻相向垂泣詩豈不懷歸畏此簡書

佇積平反入儀華要其濫因聯

事獲慶踐長

並見前

一道氷銜猥辱先施之寵

國老談苑陳彭年在

翰苑兼十餘職皆文翰清秘之目人謂其署銜為一條氷

五色雲物願迎方至之休

詩如川之方至餘見前

代回程監丞

準

灰浮緹縵新北臺太史之占

緹縵注見上條杜氏通典周官太史掌建邦之六典

正歲年以敘事左傳日南至登觀臺以望而書禮也凡分至啟閉必書雲物為備故也歲華紀麗漢樂曾陳於

前殿魯雲爰紀於候臺

雲臥衣裳添南極老人之壽

杜詩天闕象緯逼雲臥衣

裳冷天丈志狼北地有大星曰南極老人老人見治安不見兵起常以秋分時候之南郊晉天文志南極老人一星在弧南常以秋分之旦見于丙春分之夕没于丁見則化平主壽昌月令秋分日饗壽星于南郊杜詩南極老人恭惟某官襟懷霜潔談笑春溫未老得閒飽味應壽昌

桑榆之暖

遜齊閒覽趙嘏詩早晚粗酬心事了水邊歸去一閒人若身事了則仕宦之心益熾愈無

歸期矣王易簡云青山得去且歸去官職有來還自來是豈能須臾忘情於軒冕哉余嘗於驛舍見人題壁云謀生待足何時足未老得閒方是閒余深味其言服其精當而愧其未能行也此與夫一日看除目三年損道心者異矣詩話唐閬川長溪縣薛令之登第開元中為東宮侍讀官作詩自歎曰朝日上團團照見先生盤盤

中何所有苜蓿長闌干飯澁匙難縮羹稀箸覺寬只宜
謀旦夕何由保歲寒玄宗至東宮見其詩舉筆續之曰
啄木背距長鳳凰毛羽短若嫌松
桂寒任逐桑榆暖薛遂謝病歸
久靜思動佇儀槐棘

之班某莫捧兕觥

兕觥徐履反獸名爾雅兕似牛說文如野牛而青交州記兕有一角角長三

尺餘形如馬鞭柄陸佃云兕善抵觸故先王制罰爵以

為酒戒觥古橫反以兕角為之詩我姑酌彼兕觥又兕

觥其

過勤魚素見前葡萄酒一斗知公不為於涼州

嫩煌張氏傳扶

風孟佗字伯郎中常侍張讓專權用事佗以葡萄酒一斗遺讓即拜涼州刺史東坡詩誰能斗酒博西涼史記大宛國以蒲萄為酒富人藏酒多至萬石數十年不敗漢武內傳西王母當下帝設蒲萄酒博物志西域有蒲萄酒積年不敗彼俗傳云可至十年欲飲之醉彌日方解魏文帝詔朝臣曰蒲萄釀以為酒過之流涎咽唾况

親飲之毛氏曰考工記一豆注當作斗豆即古斗字左傳豆區鍾釜當音斗後人誤作俎豆之豆讀之今俗書作斗蓋誤併耳
嶰竹數聲在我頓忘其寒谷
律歷志取竹之解谷斷兩節間而吹之以為黃鍾之宮制十二簫以聽鳳之鳴其雄鳴為六雌鳴亦六劉向別錄燕有谷地美而寒不生五穀鄒衍居之吹律而溫氣至而穀生今名黍谷

代回王寺丞庭芝

陽德由子而藥地氣上騰

說文子十一月陽氣動萬物滋入以為稱白虎通子孳也孳孳無

半陽氣所起人承陽故以為稱白虎通子孳也孳孳無已也藥牙栢也律歷志始于子在十一月大呂呂旅也言陰大旅助黃鍾宣氣而牙物也月令孟春之月天氣下降地氣上騰孟冬之月天氣上騰地氣下降正義曰

若以爻象言之則七月天氣上騰地氣下降若以氣應
言之則從五月地氣上騰至十月地氣六陽俱升各取
其義不相妨也善類觀復之亨天休滋至恭惟某官沉潛剛克

並見前

消息時偕

月令注陽生為息陰死為消莊子消息盈虛一晦一明易終日乾乾與時偕行

手縮袖間復添補袞之線

韓文巧匠旁觀縮手袖間杜牧詩平生五色線願補舜衣

裳山谷詩公有胸中五色線平生補袞用功深

春回井底已驗浮緹之灰

東坡詩井

底微陽回未回月對此令辰

任昉賤今月令辰肅膺典冊

宜其遐福

某適拘旅瑣

易旅瑣瑣斯其所取災正義云瑣瑣者細少卑賤之貌也初六當旅下極寄旅不得

所安而為斯卑賤之役

莫綴賀綦

綦音奇廣韻履飾

鳴鳳聽簫應九天之

下詔

李詩鳳凰初下紫泥詔餘見前

拂龜端策驗七日之朋來

屈原卜居詹尹

乃端策拂龜曰君將何以教之易復亨出入无疾朋來无咎反復其道七日來復利有攸往

代回江東李制帥

大東

七日來復可知天地之心

見賀黃制置條

千里折衝實賴詩書

之帥道隨剛長政與和俱恭惟某官德配陽休

並見前

氣

排冬凜

李賀詩依移和氣排冬嚴

名播江淮之草木

張萬福傳江淮草木亦知爾威

名詳見前識通河洛之圖書

繫辭河出圖洛出書聖人則之

緩帶輕裘方靜

觀於雲祲

羊祜傳常緩帶輕裘身不被甲詳見前易通卦驗冬至之日見雲送迎從下嚮來歲大美

人民和不疾疫無雲送迎德薄歲惡故其雲赤者旱黑者水白者為兵黃者有土功諸從日氣送迎其効也

獻履貢襪佇直上於星辰

見前

會由五更三點之行

見上賀黃

制置益近一寸四分之景

劉向洪範傳夏至景一尺五寸八分冬至景一丈三尺一

寸四分春秋二分景七尺三寸六分

某材如綫短心亦灰寒

並見前

倚棠棣

之華猶書紙尾

詩棠棣之華鄂不韡韡凡今之人莫如兄弟南史蔡廓傳徵為吏部尚書廓問

傅亮選事若悉以見付不論不然不能拜也亮以問錄尚書徐羨之羨之曰黃門郎以下悉以委蔡吾徒不以厝懷自此以上固宜共參同異廓曰我不能為徐干木署紙尾遂不拜選案黃紙錄尚書與吏部尚書連名故廓言署紙尾也韓文藍田縣丞廳壁記右手摘紙尾鴈驚以進平立睨丞曰當署丞涉筆占位署惟謹

曝

茅簷之煖但夢刀頭

歐文內制集序涼竹簾之暑風曝茅簷之冬日韓詩暉暉簷日暖且

鮮陳後山詩暮年五斗得千里有愧寒簷背朝日古詩藁砧今何在山上復有山何當大刀頭破鏡飛上天大刀頭謂環也杜詩滿目飛明鏡歸心折大刀柳詩贈君從此去何日大刀頭王荊公詩世事但知吹劍首官身難得問刀頭

賀曾安撫

從龍○任武岡倅

長至之逢辛日允符雲觀之書

律歷志悉新于辛月令注辛之言新也史記辛

者言萬物之辛出也左傳僖公五年春王正月辛亥日南至公既視朔遂登觀臺以望而書禮也凡分至啟閉必書雲物為備故也是歲至日亦逢辛故云允符稗史會編云文人冬至用書雲字宋人以分至啟閉皆書雲

物獨以為冬至事非也春秋感應符云冬至有雲迎送者來歲美宋忠注云雲迎日出送日沒也觀此則冬至獨用書雲事

南極之次丁躔正應星沙之壽

晉天文志南極常以

秋分之旦見于丙春分之夕没于丁史記天官書軫為車主風其旁一小星曰長沙正義曰長沙一星在軫中主壽命占明主長壽子孫昌也詳見前晉天文志長沙一星在軫之中自軫十二度至氐四度為壽星於辰在辰鄭之分野自張十七度至軫十一度為鷄尾於辰在巳楚之分野長沙星明則主壽故曰星沙又曰壽沙宋潭州故云

維時玉帳

見三十九卷賀制置安撫條

昭對璇璣恭惟

某官德配陽休道偕剛長地中雷復豈容小袖之回旋

長沙定王傳注應劭曰景帝後二年諸王來朝有詔更前稱壽定王但張袖小舉手左右笑其拙上恠問之對

曰臣國小地狹不足回旋帝乃以武陵零陵桂陽益焉

魁下台明即播大鈞之塊

北

天文志魁下六星兩兩而比者曰三能注能音台賈誼傳大鈞播物塊北無垠

仁等沅湘之

永

方輿勝覽湖嶺之間湘水貫之無出湘之右者凡水皆會焉但以瀟水合則曰瀟湘以蒸水合則曰蒸湘

以沅水合則曰沅湘耳楚辭濟沅湘以南征兮又回湘沅而遠遷

福齊翼軫之高

長沙星度

當鷄尾之次翼軫之度

某半刺灰寒

杜詩半刺已翺翔

寸材綫短

見碧油

元帥繡歸即相於西周

詩衮衣繡裳又公歸無所

白脚門生襪貢尚

憐於東郭

史記滑稽傳東郭先生久待詔公車貧困饑寒衣敝履不完行雪中履有上無下足盡踐

地道中人笑之東郭先生應之曰誰能履行雪中令人視之其上履也其履下處乃似人足者乎

賀安撫提刑都大

壽考維祺介以福福豈待祈

詩壽考維祺以介景福注祺吉也介助也養老人而

得吉所以助大福也此借用文帝紀昔先王遠施不求其報望祀不祈其福其令祠官致敬無有所祈

至

朔同日謂之章章必有慶

後律歷志歲首至也月首朔也至朔同日謂之章章同在日

首謂之節節終六旬謂之紀歲朔又復謂之元詩我觀之子維其有章矣維其有章矣是以有慶矣箋章禮文也言我得見古之明王雖無賢臣猶能使其政有禮文法度政有禮文法度是則我有慶賜之榮也此借用

輒脩魚繭

後漢書蔡倫造紙用樹膚麻頭及敝布魚網以為紙稽含南方草木狀蜜香紙以蜜香樹

皮葉作之微褐色青文如魚子劉恂嶺表異錄廣管羅州多棧香樹堪作紙有文如魚子棧晉王羲之書蘭亭

序用蠶繭
紙鼠鬚筆

仰頌鴻龐

龐當作龐說文石大貌司馬相如傳湛恩洪龐歐陽永叔詩上摩青

蒼似腌靈下壓
后土之鴻龐

恭惟某官德合陽休氣排冬凜五雉五

工之正帝有絲綸

左傳五雉五工正也禮記王言如絲其出如綸並詳見前

一龜一

琴之回民皆襦袴

宋史趙抃傳神宗立自成都召知諫院及謝帝曰聞卿足馬入蜀以一琴

一鶴自隨為政
簡易亦稱是乎

茲對五雲之瑞密回九地之春

注見某首條

竊伏慕頤

慕頤山在眉州詳見前

阻瞻龍節

周禮澤國用龍節

天隅把繡

自知無一線之長

杜詩春日垂山鬢天隅把繡衣餘見前

月琯吹葭更願

假重緹之庇

晉律歷志黃帝作律以玉為管長尺六孔為十二月音至舜時西王母獻昭華之琯

以玉為之
餘見前

代回揚州崔安撫

與之○宋史崔與之字正子廣州人紹熙四年進士始授澤州

司法參軍知建昌新城縣通判邕州發遣賓州軍
事提點廣西刑獄召為金部員外郎金南遷於汴
朝議疑其進迫特授直寶謨閣權發遣揚州事主
管淮東安撫司公事寧宗宣引入內親遣之與之
修戰守備遣精銳布要害金人深入無功而和議
亦寢召為秘書少監升秘書監兼太子侍講權工
部侍郎未幾成都帥董居誼以贖貨為叛卒所逐
總領楊九鼎遇害蜀大擾與之以選為煥章閣待
制知成都府本路安撫使至即帖然詔盡護四蜀
之師開誠布公人心悅服初至府庫錢僅萬餘其
後至千餘萬金帛稱是以疾告歸朝廷以鄭損代
既受代金人課知之大入與之再為臨邊金人乃

退召為禮部尚書不拜蜀人思之肖其像於成都
仙遊閣以配張詠趙抃名三賢祠理宗親政召為
吏部尚書數以御筆起之皆力辭拜參知政事右
丞相控辭至十有三疏嘉熙三年乃得致仕薨年
八十二累封至南海郡公謚清獻史臣論曰唐張
九齡姜公輔宋余靖皆出嶺嶠之南番禺崔與之
晚出屹然大臣之風卒與三子者方駕造物者曷
嘗擇地而生材哉先王立賢無方蓋為是也互見
前

三微肇始

三微注見上卷
回林嘉興條

萬彙滋亨

彙音謂集韻類也
易以其彙征又拔

茅茹以其彙曹植冬至獻
襪表四方交泰萬彙昭蘇

集康寧富壽之疇

尚書九五
福一曰壽

二曰富三曰康寧四曰攸好德五曰考終命孔傳百二
十年為壽財豐備為富無疾病為康寧所好者德福之

道為攸好德各成其短長之命以自終不橫天曰考終命在禮樂詩書之師見前恭惟

某官克壯其猷

詩方叔元老克壯其猷

久勞於外斗牛有耀坐觀

推筴之長

孝經說斗指子為冬至尚書考靈曜冬至日月五緯俱起牽牛初史記黃帝得寶鼎宛胸

問於鬼史區對曰帝得寶鼎神筴是歲已酉朔旦冬至得天之紀終而復始於是黃帝迎日推筴後率二十歲復朔旦淮海無波自適觀梅之興尚書淮海惟揚州杜

冬至

還如何遜在揚州詳見前卦已占於七日

易七日來復

班即近於五雲杜詩

五雲多處是三台

某託契惟深脩辭不敏

易脩辭立其誠左傳謝不敏焉韓詩買羊

沽酒謝

拜長箋之委貺搔短髮以寘慚

詩搔首踟躕杜詩羞將短髮還

吹帽又白頭搔更短渾欲不勝簪陳書蕭摩訶傳老報
夫受服專征不能戰勝攻取今被危迫慙真無地

不成章

詩不成報章

永以為好

詩匪報也永以為好也

代回淮西王安撫

柵○宋史王柵字汝良大名人祖倫使北死孝宗訪求其孫之

未祿者二人官之柵其一也調通州海門尉以近臣薦擢監登聞鼓院假右司郎中使金守軍器少監知楚州累官至太府卿告歸以右文殿修撰知太平州加集英殿修撰致仕贈寶章閣待制詳見上

一陽來復既見天地之心

易傳冬至日一陽為復二陽為臨三陽為泰

十國

為連共載詩書之師

禮記十國以為連連有帥正義曰連是連接

且從穀旦

見茂介叢休恭惟某官肅括弘深法言或問士何如斯可以裋身曰其為中

也弘深其為外也肅詩靖共爾位靖共正直好是正直圖書中秘

星連五緯之光月令仲冬之月昏東壁中皆天文志東壁二星主文章天下圖書之秘府也劉

向傳詔向領校中五經秘書師古曰言中以別於外天官書五星者天之五佐為經緯見伏有時盈縮有度周

禮疏五星左旋為緯隋天文志周五緯入房樽俎邊城啟姬王之肇迹郎顗傳五緯循軌四時和睦

雷動三軍之喜揚雄傳天下之士雷動雲合章孝標雪詩朱門到曉難盈尺盡是三軍喜氣消

佇應葭莩之動前見歸儀槐棘之班某猥辱手書劉宏傳每有興

廢手書守相丁寧欵密無由面賀維藩維翰願歸疆理之功詩价人維

藩大宗維翰又廼疆廼理
廼宣廼畝左傳疆理天下如阜如岡共享國家之福如詩
山如阜如岡如陵如川之方至以莫不增

代回淮南畢安撫再遇

緹灰候氣一新太史之占

見前

茸蘼宣風載重元戎之寄

柳文嶺南節度使饗軍堂記幢牙茸蘼金節析羽旂旗旆咸歸於下

宜從亞歲

曹植獻機表亞

歲迎祥履長納慶沈約宋書魏晉冬至日受萬國及百寮稱賀因小會其儀亞於歲朝

茂擁百祺

恭惟某官識遠且明材沉而毅輕裘緩帶備觀雲祲之

祥

羊祐傳祐在軍常輕裘緩帶身不被甲

堅甲利兵孰測霜威之勁

杜詩戲假

霜威促山簡李詩情親不避馬為我解霜威
山谷詩春色已知回寸草霜威從此霽寒松
佇寧邊鑰

又總中權徑從魯觀之登

並見前

即見漢壇之築

韓信傳擇日齋

戒設壇場具禮乃可水經注安陽縣故隸漢中有韓信
臺高十餘丈上容百許人相傳漢高祖齋七日置壇設
九賓禮以某屬紆朝組莫捧賀觴玉律和聲既屆朋來
禮拜信

之慶金印如斗願迎方至之休

俱見前

賀黃總領

申

律諧鳳應日迎天統之長

律歷志制十二筭以聽鳳之鳴其雄鳴為六雌鳴亦六比

黃鍾之宮而皆可以生之是為律本又十一月乾之初
九陽氣伏於地下始著為一萬物萌動鍾于太陰故黃

鍾為士飽馬騰雷動雲屯之喜韓文平淮西碑士飽而歌馬騰於槽揚雄傳天

下之士雷動雲合魚鱗雜襲列子望之若雲屯馬杜詩王有虎臣司苑門入門天廡皆雲屯李詩西秦百萬衆

戈甲猶雲屯又劍閣重關蜀北門上皇歸馬若雲王人屯陳後山詩子弟無賴皆西奔踵門父老如雲屯

序諸侯之上見上小人腓君子之依腓音肥說文脰臑也詩君子所依小

人所腓毛傳避也正義云戎役小人之所避忌恭惟某官道配陽休德存陰騭

尚書惟天陰騭下民馬云騭升也升猶舉也舉猶生也總領甚稱豈惟是戊巳之

營魏相傳總領衆職甚稱上意元帝紀戊巳校尉屯田吏士師古曰戊巳校尉者鎮安西域無常治處亦猶

甲乙等各有所方位而戊與巳四季寄王故以名官也時有戊校尉又有巳校尉一說戊巳位在中央今所置校

尉處三十六國之中故名戊巳也

留屯並行諒已得甲寅之報

趙充國傳充國

既得讓乃上書謝罪因陳兵利害六月戊申奏七月甲寅璽書報從充國計焉又留屯以為武備因田致穀威

德並

茂得丈三之景

周禮馮相氏冬夏致日注冬至景丈三尺夏至景尺五寸易氏解曰

夏至日在南陸躔東井去極六十六度有奇而景尺有五寸冬至日在北陸躔牽牛去極一百十六度有奇而

景丈有三尺

亟膺尺一之褒

匈奴傳漢遺單于書以尺一牘陳蕃傳尺一選舉注尺一謂板

長尺一以寫詔書也陽球傳帝徙球為衛尉勅尚書令召拜不得稽留尺一

某自分灰寒仍

逢澤竭

孔子世家竭澤涸魚

所見者今我也初無有一線之長

東坡

答李端叔書謫居無事默自觀省回視三十年以來所為多其病者足下所見皆故我非今我也無乃聞其聲

不考其情取其華而遺其實乎
非吾之故人耶更望垂五雲之庇

賀綦總領

奎○綦奎嘉定人
以朝散郎直敷文閣

占七日之來道漸通於君子序諸侯之上權莫重於王

人

並見前

與時偕行

易終日乾乾與時偕行正義曰建寅之月三陽用事三當生物之初生物

不息同于天時
故曰與時偕行

何福不至

詩何福不除

恭惟某官氣排冬凜

德配陽和灰動重緹撫三軍於挾纊

見前

日長一綫總六

轡以如絲

詩我馬維駒六轡如絲毛傳言調忍也

諒從獻履之辰

見前行拜

子環之命

荀子聘人以珪問士以璧召人以瑗絕人以玦反絕以環楊倞注玦如環而決肉好若一

謂之環古者臣有罪待放于境三年不敢去
與之環則還與之玦則絕皆所以見意也
某甚慚玩

歲

左傳主民玩歲而
愒日其與幾何

又見書雲

見前

涸轍西江愧難辨青

雀之舸

莊子周昨來有中道而呼者顧見車轍有鮒魚
焉曰我東海波臣也君豈有升斗之水而活我

哉周曰我將南遊吳越之王激西江之水而迎子可乎
釋名船上屋曰廬其上重室曰飛廬又在其上曰雀室
於中候望若烏雀之驚視也方言曰船首謂之間或謂
之鷁首郭璞注今江東貴人舟前作青雀是其象也王
隱晉書陶侃擊蜀賊王真真以鉤得上侃青雀舟侃欲
投水都督王攘蘇品扶侃入小舟得脫梁元帝船名詩
池邊白鷁舞林深青雀歸舸賈我切說文舟也又大
船也方言南楚江淮凡船大者謂之舸小舸謂之艦
挹

漿北斗何因搥黃鶴之樓

太白醉後贈丁十八詩黃
鶴高樓已搥碎詳見前

賀安總領

癸仲
丙之子

雷在地復君子占七日之來

見前

雪應年豐王人序諸侯

之上

舊唐書長壽二年元日大雪上謂侍臣曰俗云元日有雪則百穀豐有何故實文昌左丞姚璿對曰

汜勝之書云雪是五穀之精以其汁和種則年穀大穰又宋武帝大明五年元日降雪以為嘉瑞上曰朕心存百姓如得年登即為大瑞陳徐陵詩三農喜盈尺六出讎崇花張正見詩九冬飄遠雪六出表豐年宋謝惠連雪贊氣遍霜繁年豐雪積朝野自今以始詩自今以何

福不臻

詩何福
不除

恭惟某官德並春融氣排冬凜糴湟中

之粟未易斗量

趙充國傳充國曰金城湟中穀斛八錢吾謂耿中丞糴二百萬斛穀羌人不敢

動矣師古曰湟水出金城臨羌塞外東入河
湟水之北是漢地言豫備糧食可以制敵
流地上之

錢端如雲滃

劉晏傳自言如見錢流地上每朝謁馬上以鞭筭滃鳥孔切說文雲氣起也徐曰雲

起于水一曰大水貌增韻雲濃貌

伯趙聿司於短至

左傳伯趙氏司至者也禮記仲冬之

月日短至陰陽爭諸生蕩又日短至則伐木取竹箭

安期遠迓於長年

見上卷賀安總領條

某百念灰寒單車永塞

通典自魏以來庶姓為州而無將軍者謂之單車刺史凡單車

刺史加督進一品都督進二品

繭絲已竭何由沃六轡之絲襪綫非長

更願寬五雲之綫

俱見前

代回宋總領

鈞

日轂回輶舒永五紋之線

轂古福切說文輻所輳也輶音周說文輳也淮南子爰止

義仲爰息六螭是謂懸車注日乘車駕以六龍義和御之廣雅日御曰羲和杜詩刺繡五紋添弱線吹葭六琯

動飛

星輶給餉光華六轡之絲

見前

諒對剛辰

王制注二五象五行

剛柔十日疏五剛甲丙戊

庚壬五柔乙丁巳辛癸

益綏純嘏恭惟某官盛名晝

永清德永明弩矢前驅見錢流於地上樵蘇後爨如挾

續於軍中

俱見前

底績懋哉

尚書乃言底可績又惟時懋哉

歸班近只某

濫聯筆橐阻奉椒觴君子占一陽之來當體復亨之動

並見前

王人序諸侯之上即膺晉錫之蕃

易晉康侯用錫馬蕃庶晝日三

接

代回林總領

祖洽

陽月終更慶一陽之亨復

段會宗傳母求奇功終更亟還

福星出使符

五福之照臨

東坡詩斯人乃福星遣出虛危間公自注司馬溫公謂軾曰子駿福星也東京人困

甚且令往彼詳見前

宜對令辰茂膺純嘏

見前

恭惟某官剛隨天運

和本時中養九德於黃鍾鳳鳴嶰谷

尚書亦行有九德亦言其人有德又

九德咸事餘見前

持貳卿之紫橐虎卧長江

南豐除李常制奉常貳卿董宣傳搏

擊豪彊莫不震慄京師號為卧虎南史蕭慧開傳嚴用刑威蜀人號曰卧虎

袞繡畫行樵蘇

宿飽

前見

牽牛極晷既占候於漢臺

易氏解冬至日在北陸躔牽牛去極一百

十六度有奇而景丈有三尺月令章句冬至為極晷漏極短遠極極遠晷景極長三輔黃圖靈臺在長安西北八里始曰清臺本為候者觀陰陽天文災異更名曰靈臺郭延生述征記長安宮有靈臺高十五仞上有渾儀水經云城南渠漕有漢靈臺然則漢城西之上林城南之漕渠皆在候景之臺也

駱馬懷歸寧

逶遲於周道

詩嘽嘽駱馬豈不懷歸又四牡騤騤周道倭遲

某濫塵朝綴莫旅

賀綦烹鯉得書先辱五雲之墜拂龜占易惟期七日之

來

並見前

代回趙總領

不僂

化日迎長

王符傳化國之日舒以長易通卦驗冬至始人主與左右羣臣從樂五日天下亦家家從

五日以迎

卿雲紀瑞

史記若烟非烟若雲非雲郁郁紛紛蕭索輪囷是謂卿雲慶雲見嘉

氣也易通卦驗冬至初陽雲出箕如樹木之狀

諸侯之上序莫重於王人一陽

之來道益亨於君子

並見前

茂綏福履

詩樂只君子福履綏之

請致

頌言恭惟某官秉德忱恂

尚書迪知忱恂于九德之行孔傳禹之臣蹈知誠信于九

德之行

凝姿信厚

詩序關雎之化行則天下無犯非禮雖衰世之公子皆信厚如麟趾之時也詩

振振公子毛傳振振信厚也

時糧天塹星夙駕以載驅

尚書時乃糗糧無敢不逮

陳書都官尚書孔範曰長江天塹古以為限隔南北今日虜軍豈能飛度耶干湖居士集流杓投鞭規濟天塹

楊廷秀揚子江詩天將天塹護吳間不數穀
函百二關塹七豔切說文坑也詩星言夙駕
給餉雲屯

雷歡聲而四起

薛能詩欲識普恩無遠近萬人懽忭一聲雷

暫回留鑰

漢書蕭何

以信謹守管鑰注高祖出征何每居守

坐鎮陪京

文選坐鎮雅俗又於顯樂都既麗且康陪京之

南居漢之陽陪京謂洛陽

宜對南至之書

左傳僖公五年正月辛亥朔日南至注周正月今十

一月冬至之日日南極正義曰日之行天有南有北常立八尺之表以候景之短長夏至之景尺有五寸日最長而景最短是謂日北至也自是以後日漸近南冬至之景一丈三尺日最短而景最長是謂日南至也

即

侈東歸之詠

詩序東山周公東征也周公東征三年而歸

某材如線短心亦

灰寒

並見前

刺繡吹葭空覺杜陵之老大

杜詩刺繡五紋添弱線吹葭六

琯動飛灰又杜陵有
布衣老大意轉拙
獻履貢襪但觀曹植之文章

魏曹植冬

至獻襪表曰伏見舊儀國家冬至獻履貢
襪所以迎福踐長杜詩文章曹植波瀾潤

賀都大

首尾同第九條賀安撫

恭惟某官德合陽休氣排冬凜萬馬並馳而獨立恪秉

素絲

詩羔羊之皮素絲五紵退食自公委蛇委蛇

四牡有功而遄歸亟登紫

索

詩序四牡勞使臣之來也有功而見知則說矣詩式遄其歸遄速也列子不若遄歸也紫索紫荷索

茲

對五雲之瑞

周禮保章氏以五雲之物辨吉凶水旱降豐荒之祲左傳分至啟閉必書雲物

回九地之春

杜詩排陰出九地萬物隨開張詳見前

代回輦都大

嶸

天復一陽滋萌帝澤

律歷志滋萌於子

星聯五緯照映使華

見前

維時山立之休

禮記山立時行盛氣顛實揚休玉色

翕受川增之祉

尚書翕受

敷施詩如川之方至以莫不增

恭惟某官和鍾玉律

李元標詩玉律動年灰

清徹

冰壺

選詩清如玉壺冰

方今之務孔殷孰堪經濟

李固傳方今之事復同於

前尚書九江孔殷左傳方事之殷也有隸韋之附注陶侃傳方事之殷當賴羣儔

園法之司尤

急政藉阜通

食貨志太公為周立九府園法又錢園函方注外園而內孔方也

會當錢

流地上之餘即有人自日邊之召某心隨灰冷技蔑線

長

並見前

賦問大鈞將為天下而實賀

劉禹錫有問大鈞賦左傳叔弓如晉

賀虎祈也游吉相鄭伯以如晉亦賀虎祈也史趙見子大叔曰甚哉其相蒙也可弔也而又賀之子大叔曰若

何弔也其非惟我賀將天下實賀詩成小至亦驚人事韓文其為吾以前所稱為天下賀

之相催

杜陵有小至詩注云陽為大陰為小冬至陰極故云小至一說或云冬至前一日為小至按歲

時雜詠盧照隣年日述懷詩人歌小歲酒花舞大唐春是以元日為小歲由此觀之子美之小至即冬至也杜詩又有小寒食舟中作注小寒食如小至謂前一日也又天時人事日相催冬至陽生春又來

賀牛茶馬

大年

端策拂龜地雷之復攸往

屈原卜居詹尹乃端策拂龜曰君將何以教之易七日來

復利有攸往又

摘茗市駿山澤之節遄歸

初寮除李昌孺制在昔元

豐留神武備摘山市駿具著科條周禮

山國用虎節澤國用龍節詩王曰遄歸與時偕行

易終乾

乾與時

偕行有秩斯祐

詩嗟我烈祖有秩斯祐

恭惟某官陽休山立

禮記

山立時行盛氣

顛實陽休玉色神動天隨

莊子尸居而龍見淵嘿而雷聲神動而天隨注神順物而

動天隨

獨鶴整江海之毛雲程駿步

少陵八哀詩相國張公九齡云相國

生南紀金璞無留礦仙鶴下人間獨立霜毛整矯然江

海思復與雲路永又獨鶴不知何處舞又獨鶴歸何處

又獨鶴

原依渚萬牛回丘山之首風節自高

杜詩大厦將傾要梁棟萬牛回首丘

重諒當伯趙司至之辰

左傳伯趙氏司至者也注伯趙伯勞也

益對顏氏

庶幾之吉

繫辭子曰顏氏之子其殆庶幾乎有不善未嘗不知知之未嘗復行也易曰不遠復无祇

悔元吉

某真成浪出

杜詩龐公不浪出蘇氏今有之

久俟汰歸

魏舒傳時欲沙汰郎

官非其才者罷之舒曰趨走傷心良厭看於新厯

少陵至日

遣興詩欲知趨走傷心地正想氤氲

形容獨老儻尚念

於故人

少陵冬至詩江上形容吾獨老天涯風俗自相親

賀黃運使

桂○詳啟意任武岡倅作

斗北中而建子厯肇應於周郊

月令仲冬之月日在斗昏東壁中旦軫中說文

冬至斗指子夜半時交午者也

日南至而逢辛書允符於魯觀

左傳僖公五年

正月辛卯朔日

維時英節

周禮司節凡邦國之使節皆金也以英蕩輔之注英蕩畫

函疏其函猶是蕩但以英華有畫義故云畫函輔之者以函輔此節使不壞損也

茂擁休祺恭

惟某官德配陽剛氣排冬凜冰解漕下既曉行湘水之

春

並見前

雷復地中即夜對宣室之席

賈誼傳文帝思誼徵之至及見上方

受簾坐宣室上因感鬼神事而問鬼神之本誼具道所以然之故至夜半文帝前席師古曰未央前正室也前席者漸促近誼

諒應四分之牛晷

說文晷日景也易氏解冬至日在北陸驪

聽悅其言也

牽牛劉向洪範傳冬至景一丈三尺一寸四分詳見前

坐齊七政於龍魁

天文志北斗七

星所謂璇璣玉衡以齊七政杓攜龍角衡殷南斗魁枕參首詳見前

某材乏綫長

見前分甘

車副

胡文恭制分乘倅車又分乘別車

儻憐紫陌看花隨綴於馬蹄

水經

注塗陽縣有紫陌深圖杜詩垂鞭鞞凌紫陌孟郊詩春風得意馬蹄疾一日看徧長安花

雖在黔

山吹黍固希於鳳律

武岡銘黔山之巘餘見前

賀李運使

鼎

化日舒長共紀魯臺之至

見前

卿雲紛郁重行湘水之春

見代回趙總領條

況蕪熊旂龍節之華

韓丈平淮西雅犀甲熊旂威命是荷周禮澤國

用龍節

宜介羔酒兕觥之壽

宋陶穀得黨進家姬遇雪陶取雪水烹團茶謂姬曰黨家

應不識此姬曰彼粗人安有此但能於銷金煖帳中淺斟低唱喫羊羔兒酒陶嘿然慙其言宋張能臣鄧鄉集

記天下酒名姜宅園子正店羊羔酒又關右塞上有黃
羊無角色類麋鹿造酒以荻管吸于瓶中老杜送從弟
亞赴河西判官詩黃羊飯不
羶蘆酒還多醉謂此餘見前恭惟某官仁排冬凜德配

陽休

見前

物換星移又復濯滄浪之水

王勃詩物換星移幾度秋滄浪水在

龍陽縣二十里浪水與滄水合

漕下水解便當登碧落

之天

韻會碧落天也李詩步網繞碧落王維詩鳳宸朝碧落李涉詩碧落高高雲萬里餘見前

仁風

梅放以柳舒和氣竹苞而松茂某寸材綫短半刺冰寒

並見前

飯蔬飲水而曲肱將歸尋於舊物

左傳祀夏配天不失舊物王獻

之傳青羶我家舊物詳見前

衣繡觀風之直指諒未按於故人

見前

代回喬運使

行簡○喬行簡傳升秘書郎為淮西轉運判官知嘉興府改淮南轉運判

官兼淮西提點刑獄提舉常平詳啟意與本傳合餘見前

短日舒長益永六螭之馭

月令仲冬之月日短至陰陽爭諸生蕩又日短至則伐木

取竹箭王符傳化國之日舒以長淮南子爰止羲和爰息六螭廣雅日馭曰羲和

長淮清晏遙

知四牡之功

韓詩淮水出桐栢山東馳遙遙千里不能休揚雄傳天清日晏師古曰晏無雲也說

文晏天清也三輔人以此日出清濟為晏晏而溫楊素傳東夏清晏嘉庸茂勳于是乎在

對此令辰

宜其遐福

詩降爾遐福維日不足

恭惟某官和鍾玉律清徹冰壺

俱見前

聚人曰財坐幹流泉之運

繫辭何以聚人曰財注財所以資物生者也食

貨志擅幹山海之貨師古曰幹謂主領也讀與管同又貨寶於金利於刀流於泉布於布如淳曰流行如泉也

噓物以氣潛回寒谷之溫

見前

式遄其歸

遄淳沿切說文往來數也爾雅

疾也詩式遄其歸

可拱而竢

終軍傳斯拱而竢之耳

某濫持荷橐阻捧栢

觴

歲時記元旦進椒栢酒栢是仙藥詳見前

占卦六日七分是為道長

易反復其

道七日來復天行也利有攸往剛長也詳見前賀黃制置符

脩身千二百歲請致祝

規莊子黃帝問於廣成子曰敢問治身奈何而可以長久廣成子曰慎守女身物將自壯我守其一以處其

和故我脩身千二百歲矣吾形未嘗衰韓文敢不敬蚤夜以求從祝規

代回淮西徐運使

輝

緹灰襲候肇基來復之祥

見前

繡節臨邊茂介踐長之慶

三朝志旌節唐天寶中置凡命節度使有司給門旗二旌一節一麾槍二豹尾二金節隋制也黑漆竿上施圓盤周綴紅綜拂八層黃繡龍袋籠之王公以下皆有節制同金節韜以碧油恭惟某官身兼

數器

薛宣傳經術文雅足以謀王體斷國論身兼數器有退食自公之節

夙駕單車

詩星言風

駕信陵君傳今單車來代之何如哉龔遂傳單車獨行至府張綱傳單車之職魏裴潛拜代郡單車之部互見

前

招來鴻鴈之民衆如雲集餽餉貔貅之旅令若霜嚴

並見

宜對天統之辰

律歷志天統之正始於子半

丕擁日來之福

易七

日來復

某屬拘朝綴莫旅賀約

約權俱切禮記童子不履約注屨頸飾也

鳴鳳

律和知已宣於九德

尚書曰宣三德又九德咸事

牽牛晷短聊具報

以七襄

見前

賀呂提刑

祖烈

六雄召律觀象見天地之心

律歷志制十二筭以聽鳳之鳴其雄鳴為六雌鳴亦

六詳見前易君子居則觀其象而玩其辭又復其見天地之心乎

四壯周咨用龍在山

澤之節

詩四牡駢駢又周爰咨諏周禮山國用虎節澤國用龍節

矧佩纍纍之重

石顯

傳印何纍纍綬若若耶師古曰纍纍重積也

宜膺簡簡之祥

詩降福簡簡

恭惟某

官道與時偕

易與時偕行

德隨剛長

易利有攸往剛長也

二節三節之

趨走詎鬱鬱於岷峨

禮記凡君召以三節二節以走一節以趨疏節者以玉為之所以明

信輔於君命者也急則以二節緩則以一節急緩不出於三節耳不謂節盡于三也韓信傳安能鬱鬱久居此

乎

八命九命之朝宗即浮浮於江漢

周禮八命作牧九命作伯禮記制三

公一命卷若有加則賜也不過九命注卷俗讀也其通則曰袞三公八命矣唯加一命則服龍袞與王者之後同尚書江漢朝宗于海注諸侯朝于天子春見曰朝夏見曰宗詩江漢浮浮武夫滔滔

諒對一陽

之復益臻百福之道

詩敷政優優百福是道毛傳聚也

某席茫雲深效

官水冷

莊子知效一官

嘆至日之長為客但切懷歸

杜詩年年至日長為

客忽忽窮愁泥殺人

因風物而暗思親敢伸善頌

王維詩獨在異鄉為異客每逢

嘉節倍

思親

代衛參政賀樂提刑

緹陽襲管綫畧延圭

周禮大司徒以土圭之法測土深正日景以求地中典瑞土圭以致

四時日月玉人土圭尺有五寸以致日

明謹用刑克廣好生之德

尚書好生之德

洽于民心

靖恭介福諒裒滋至之休

詩靖恭爾位好是正直神之聽之介爾景福

恭惟某官清徹冰壺和鍾玉律

見前

崇陰晝永訟已息於

楚氛

左傳楚氛甚惡

葭室灰浮暖自回於嶰谷

見前

某偶叨分闡

謝安傳贊任總中臺效彰分闡

正阻造門端策拂龜七日已占於不遠

前見聽簫鳴鳳九成更佇於來儀尚書簫韶九成鳳凰來儀

賀陳提刑天宜

黃鍾協律可推復見之心前見繡斧詳刑茂對咸中之慶

唐龍朔中改廷尉正為詳刑大夫晉書元帝紀布帳練帷詳刑簡化王粲從軍行涼風厲秋節司典告詳刑詳見前尚書屬于五極咸中有惟明克允尚書惟明克允何福不慶受王嘉師監于茲祥刑

臻恭惟某官德配陽休氣排冬凜周原苞栩久勞六轡

之馳驅前見漢節梅花已報一枝之消息杜詩漢節梅花外春城海水邊

又萬木凍欲折孤根煖獨回風雲之會易雲從龍風從虎劉玄傳假我

風雲二十八將傳論
感會風雲奮其知勇

日月以需某有幸同僚惟深善頌

旨且多多且旨莫遂稱觴昌而熾熾而昌願加視履

俱見

前

賀劉提刑

屋○詳啟意蓋湖南
提刑此啟倅武岡作

鳳簫回律肇倡應於六雄

見前

龍節詳刑方驅馳於四牡

見上

勞行邁之靡靡

詩行邁靡靡中心搖搖注邁行也
靡靡猶遲遲也行舒之意沈佺期

詩今君出使車
行邁方靡靡

宜降福之穰穰恭惟某官德本剛潛道

偕陽長繡衣持斧曉行湘水之春

並見前

縞帶隨車暮對

江天之雪

昌黎雪詩隨車翻縞帶逐馬散銀盃杜詩恣意向江天

所虞駟召靡俟

鴈回

回鴈峯在衡陽之南鴈至此不過遇春而回故名湖南提刑司在衡州

某佐此斗州

微哉星屏

屏必郢切星屏當作簾簾韻會云簾簾車蔽當也車上竹席障塵者前曰藩後曰簾旁曰

翰摠曰第通作屏星孔恂傳別駕車舊有屏星刺史欲去之恂曰別駕可去屏星不可去按簾簾刺史車非特別駕也俗專以為別駕事誤矣或作星屏益誤簾本平聲亦可押息井蘇擬二切李欲以星斗相對故倒用之耳

託刺史二天之庇聊復編茅占夫子七日之爻敢希

拔茹

見前

賀游提刑

侶

雷在地而復吉實開泰內之亨

易雷在地中復初九不遠復无祇悔元吉泰小

往大來吉亨象曰內陽而外陰內健而外順內君子而外小人

天違水而訟清宜介咸

中之慶

易天與水違行訟疏天道西轉水流東注是天與水相違象人彼此乖戾故致訟也尚書屬于

五極咸

矧壬公之司至趣辰告之遠猷

詩許謨定命遠猷辰告箋猷圖

也大謀定命謂正月始和布政于邦國都鄙也為天下遠圖庶事而以歲時告施之

恭惟某官德

與氣游道偕剛長昔時諫草懶看省砌之花

杜詩退朝花底散歸

院柳邊迷避人焚諫草騎馬欲難棲

今日判花聊鞠園扉之草

唐故事中書有軍國

政事則中書舍人各執所見雜署其名謂之五花判事文選鞠茂草于園扉

柳舒梅放松茂

竹苞

見前

知幾其神

繫辭知幾其神乎疏神道微妙寂然不測人能豫知事之幾微則能與神

道合會也

何福不除

除遲遽切詩天保俾爾單厚何福不除毛傳除開也箋云何福而不開皆開出

以予

某身依雲茫心實灰寒乃積乃倉吹鳳尚希於生

黍

見前

我任我輦牽牛何補於服箱

詩我任我輦我車我牛又睨彼牽牛不以

服箱傳河鼓謂之牽牛服北服也車內容物之處為箱

賀提刑

首尾同前第九條賀安撫

恭惟某官德合陽休氣排冬凜

見前

合東西而瞻使節載

駕星輶

杜詩川合東西瞻使節地分南北任浮萍

審簡孚以嚴天威益揚風

采

尚書簡字有衆惟貌有稽無簡不聽具嚴天威黃霸傳風采不及丙魏于定國

茲對五雲之

瑞密回九地之春

見前

回永州陳提刑

翻○永州已見詳啟意倅武岡作

竊潁川之河潤亦飽聞新尹之誇

郭伋傳潁川盜起拜伋為太守帝勞曰賢

能太守去帝城不遠河潤九里冀京師蒙福少陵遭田父泥飲詩酒酣誇新尹畜眼未見有

隔巫水

之山巘未果賀中丞之蒞

柳文武岡銘序黔巫東鄙蠻獠雜擾時惟潭帥御史中丞

柳公綽練立將校提卒五千屯於武岡云云銘云巫山之巘巫水之磻

蒙以羲爻之七日

賁然郇翰之五雲

並見前

遂令寒灰頓有生氣

世說廉頗蘭相如雖

千載上死人懷
懷恒如有生氣
恭惟某官仁排冬凜義配陽剛英蕩繡

衣固已淹五綵之線
見前朱轡阜蓋聊復壯萬石之亭
萬石

亭在永州見上卷
賀永州陳守條
重緹回襦袴之溫一札趣絲綸之召

見前某覩先未快
韓文朝廷之上引頸東望若景星
禮後

知慚陳遵尺牘之可藏
詎止榮從事之十部
陳遵傳性善書與人

尺牘主皆藏弃以為榮劉宏傳
得劉公一紙書賢于十部從事
李膺別駕之非昔正足

辱太學之諸生
南史蜀士李膺為涪令有材辯西昌侯

藻為益州使至都武帝謂曰今李膺何
如昔李膺對曰今勝昔昔事桓靈之主今逢堯舜之君
帝嘉其對以為益州別駕韓文國子先生晨入太學招

諸生立館下李以學錄倅武岡

惟依湘水之深

張衡詩我所思兮在桂林欲往從之湘水深

當借楚波之及

左傳其波及晉國者君之餘也

代回浙東譙提刑

令憲

清臺占候肇推三統之元

禮記夏為清臺商為神臺周為靈臺律歷志雜候上林清

臺課歷疏密三輔黃圖靈臺在長安西北八里始曰清臺本為候者觀陰陽天變災異更名曰靈臺亢倉子齊太子坐清臺之上宋書孝武大明六年八月己丑置清臺令

繡斧馳驅茂應一陽之

動恭惟某官清標範俗雅度鎮浮望蓬萊之雲已書五

色

郊祀志蓬萊方丈瀛洲此三神山者其傳在渤海中未至望之如雲周禮保章氏以五雲之物辨吉凶易

通卦驗冬至初陽雲出箕如樹木之狀左傳凡
分至啟閉必書雲物杜詩雲近蓬萊常五色 吹孤竹

之管即造九階

周禮鼙鼓鼙鼗孤竹之管雲和之琴瑟雲門之舞冬日至於地上之圜丘奏之

鄭元注孤竹竹特生者說文階陛也廣韻級也賈誼傳陛九級上

某濫綴朝紳阻陪賀

履驗丈三尺餘之日晷既麗牽牛見前列五六百之火城

更觀仗馬

國史補元日冬至立仗百官皆備珂傘列燭有至五六百炬謂之火城有堂火城宰相火

城將至則衆火皆撲滅以避宰相

代回江東葉提刑簣

魯雲紀瑞

兵書曰韓雲如布趙雲如牛楚雲如日宋雲如車魯雲如馬衛雲如犬周雲如輪秦雲如

行人魏雲如鼠齊雲如絳衣越雲如龍蜀雲如困左傳黃帝氏以雲紀故為雲師而雲名注黃帝受命有雲瑞故以雲堯日迎長史記帝堯者其仁如天其智如神就紀事之如日望之如雲曹植表冬至獻履

貢職所以黃鍾倡應於六雄繡斧光華於四牡恭惟某迎福踐長

官氣養剛大德合中和慷慨澄清節凜冰霜之操將明

欽恤復見天地之心

並見前

茂對令辰

易天地雷行物與无妄先王以茂對

時育萬物注茂盛也對當也言先王以此无妄盛事當其无妄之時育養萬物也

宜裒繁祉

詩綏

我着壽介以繁祉箋繁多也安助以壽考多與福祿

某才如線短心亦灰寒對五

更三點之御床無由陪賀

杜詩去歲茲辰捧御床五更三點入鵷行

布一札

十行於方國佇見遄歸

後漢循吏傳序其以手迹賜方國者皆一札十行細書成文詩

仲山甫徂齊式遄其歸

賀提刑提舉

律動黃鍾倡六雄而叶氣

漢律厯志黃帝使伶倫取竹之解谷斷兩節間而吹之以

為黃鍾之宮制十二簫以聽鳳之鳴其雄鳴為六雌鳴亦六比黃鍾之宮而皆可以生之是為律本風生

畫蕩歌四牡之有功

趙廣漢傳見事風生無所回避傳玄傳貴遊懾伏臺閣生風周禮以

英蕩輔之杜子春云蕩當為帑謂以函器盛此節或曰英蕩畫函疏以英華有畫義故曰畫函詩序四牡勞使臣之來也有功而見知則說矣其在皇皇之華宜膺簡簡之福

詩降福簡簡

恭惟某官德潛剛克功播民和星駕朝天又見一陽之

復

詩星言
夙駕

雲音占歲載祈五穀之豐

左傳凡分至啟閉
必書雲物易通卦

驗冬至之日見雲送迎從下嚮來歲大美人和不疾
疫無雲送迎德薄歲惡故其雲赤者旱黑者水白者為
兵黃者有土功諸從
日氣送迎其効也

諒策持斧繡衣之庸即詠鳴玉紫

宸之句

杜詩杖藜雪後臨丹
壑鳴玉朝來散紫宸

某心如灰冷材乏線長使

者汝容固足回春於泰谷

東坡詩勸農使者不汝
容因君作詩先自効

丞哉

余負行歸曝日於茅簷

韓文丞哉丞哉余不負丞而丞
負余列子宋國有田夫嘗衣赆

過冬暨春東作自曝於日美之不知天下之有廣廈隩
室綿繡狐貉謂其妻曰負日之暄人莫知者以獻吾君

必獲重賞歐丈內制集序涼竹簟之暑風曝茅簷之冬
日韓詩暉暉簷日暖且鮮陳後山詩暮年五斗得千里

有愧寒簷
背朝日

賀趙提舉

甲申○甲申為寧
宗嘉定十七年

魯雲書至實呈紛郁之祥

史記若煙非煙若雲非雲郁
紛紛蕭索輪囷是謂卿雲

趙日御冬益顯光華之遠

左傳趙衰冬日之日
也趙盾夏日之日也錫公純

嘏

詩天錫公純嘏眉壽保
魯箋純大也受福曰嘏

又我烝民

尚書烝民乃恭惟
粒萬邦作乂

某官德配陽休氣排冬凜舊游天祿飽看芸草之芳

漢書

天祿石渠顏師古曰三輔故事天祿石渠並在未央大
殿北以藏秘書漢宮閣疏天祿麒麟蕭何造以藏秘書

處賢才西都賦天祿石渠典籍之府西京賦天祿石渠
校文之處東京賦內有天祿宣明揚雄傳校書天祿閣
上靈帝紀注天祿獸也今鄧州南陽縣北有宗資碑旁
有二獸錡其膊一曰天祿一曰辟邪據此則並獸名也
漢有天祿閣亦因獸立名月令仲冬之月芸始生注芸
香草也著於衣書可以辟蠹漢種之於蘭臺石室藏書
之府故秘書省謂之芸局陳子昂集持三寸筆入芸香
之閣爾雅翼云老子云夫物芸芸各歸其根芸當一陽
初起復卦之時于是而生此則歸根復命取之于芸洛
陽宮殿簿云顯陽徽音含章殿前各植芸晉宮閣名曰
太極殿前芸香四畦式乾殿前芸
香八畦乃知九畹百畹非虛語也
今使江南尚作梅花
之寄
前見驗刺繡五紋之永
杜詩刺繡五
紋添弱線
知衮衣九罭之
歸
詩九罭之魚鱗魴我覯之子衮衣繡
棠鴻飛遵渚公歸無所於女信處
某材乏線長心

尤灰冷負暄炙背詎敢輸畎畝之忠

嵇康與山濤絕交書野人有快炙背

而美芹子者欲獻之至尊雖有區區之意亦已疏矣餘見上條

安性掩身尚或備軒輜

之訪

月令仲冬之月君子齋戒處必掩身身欲寧去聲色禁嗜慾安形性事欲靜以待陰陽之所定風俗

通周秦常以歲八月遣軒輜之使採異代方言還奏之西京雜記揚子雲好事常懷鉛提槩從諸計吏訪殊方絕域四方之語以為裨補軒輜所載亦洪意也

賀林提舉

清臺課厯肇新三統之元

說文課試也增韻計也程也律厯志離候上林清臺課厯

疎密繡節觀風順應一陽之動

王莽傳遣使者分行天下覽觀風俗

恭惟某

官剛大養氣豈弟近民

詩豈弟君子史記魯世家平易近民民必歸之

斂散得

宜粟若源泉之混

食貨志民有餘則輕之故人君斂之以輕民不足則重之故人君散之以

重凡輕重斂散之以時則準平宋職官志提舉常平司操常平斂散之法中嚴兌役之政令治荒修廢賑民艱阨職源提舉常平司掌常平義倉免役市易坊場河渡水利之法因民之有無歲之豐凶而斂散賑濟之周益

公詩斂散新陳倚繡衣荀子財貨渾渾如泉源汭汭如河海暴暴如丘山

中和誕布黍回寒

谷之溫

王褒傳使褒作中和樂職宣布詩師古曰中和者言政治和平也宣布者風化普洽無所不被

諒對休辰益裒純嘏某適拘分閭良阻造門視履考祥

願觀不遠之復

並見前

仁民愛物無忘自養之願

易觀願觀其所

養也自求口實
觀其自養也

賀趙提舉

汝讜

按緹候氣律已兆於六雄

後漢律歷志候氣之法為室三重戶閉塗釁必周密布緹

縵室中以木為案加律其上案歷而候之氣至者灰去餘詳見前

衣繡觀風功益高於

四牡道隨剛長德與福崇恭惟某官清湛永壺和鍾玉

琯

琯或作管說文古者琯以玉舜時西王母來獻白玉之琯零陵文學姓奚於冷道舜祠下得笙玉琯以玉

作音故神人以和鳳凰來儀

趙日可愛既開南嶽之雲

左傳鄴舒問於賈季曰趙

衰趙盾孰賢對曰趙衰冬日之日也趙盾夏日之日也注冬日可愛夏日可畏 幽雨其濛更激

西江之水

詩我來自東零雨其濛莊子激西江之水而迎子可乎詳見前

慨然攬轡行

矣賜環

柳詩賜環留逸響

某濫長十連

禮記十國為連連有帥

又逢亞歲

江湖兩地幸再同君子之僚

韓文留守無事多君子僚

原隰五章請

重拜使臣之善

左傳四牡君所以勞使臣也敢不重拜皇皇者華君教使臣曰必諮於周臣聞

之訪問於善為咨咨親為詢咨禮為度咨事為諏咨難為謀臣獲五善敢不重拜

賀王提舉

與權

身為國史自當書辛日之雲

杜氏左傳序身為國史躬覽載籍必廣記而備言之

左傳僖公五年正月辛亥朔日南至公登臺以望而書禮也凡分至啟閉必書雲物為備故也君遣使

臣顧使餐丁年之雪

詩序皇皇者華君遣使臣也李陵答蘇武書丁年奉使皓首而歸梁

書王僧孺傳丁年蓄積與此銷亡盧照隣詩丁年遊蜀道斑鬢向長安王荆公詩丁年結客盛遊從宛洛羶車

處處逢蘇武傳幽武置大窖中絕不飲食天雨雪武卧齧雪與羶毛并咽之有功則說詩序有功

而見知何福不臻恭惟某官致孝卧冰董仲舒傳舜業業日致其孝王

則悅矣祥傳性至孝繼母朱氏常欲生魚時天寒冰凍祥解衣將剖冰求之冰忽自解雙魚躍出移忠叱馭

孝經君子之事親孝故忠可生芸挺荔厭夜直於承明

移於君叱馭王尊事屢見嚴助傳厭承明之廬注承明廬舒柳放梅甘曉行於湘

在石渠閣外直宿所止曰廬水前花甲方周於六十呂氏春秋大撓作甲子唐椿齡李淳風有六十花甲子歌

正行於八千

前見

某雌伏負丞

後漢趙溫字子柔為京兆郡丞歎曰丈夫當雄飛安

能雌伏遂棄官去

鳳鳴倚嶽

杜詩佇鳴南嶽鳳欲化北溟鯤

繡衣持斧儻憐同

三點之鵷行

前見

黃鍾為宮尚或收一聲之牛鐸

律歷志五聲之

本生於黃鍾之律九寸為宮或損或益以定商角徵羽
晉書荀勗傳初勗於路逢趙賈人牛鐸識其聲及掌樂
音韻未調乃曰得趙之牛鐸則諧矣遂下郡國
悉送牛鐸果得諧者山谷詩牛鐸調與黃鍾同

代回浙西王提舉

渠

和叔正冬

尚書中命和叔宅朔方曰幽都
平在朔易曰短星昴以正仲冬

伯趙司至儀

圖道長之慶允屬陽休之賢伏惟某官清徹冰壺和鍾

玉琯送之禮樂不離尺五之天任以公卿即近丈三之

日

俱見前

某無由面賀例辱手箋烹魚得書莫報五雲之

體

韋陟傳所書陟字若五朶雲時人慕之號郇公五雲體周禮保章氏以五雲之物辨吉凶水旱降豐荒之

祲象雲有五色以分至之日眡之

拂龜端策但占七日之爻

見前

代回福建陳提舉

鑄

日官候氣書嚴魯觀之登

前律歷志春秋冬十月朔日有食之傳曰不書日官失之

也天子有日官諸侯有日御日官居卿以底日禮也日御不失日以授百官於朝言告朔也又云主歷使者鮮于妄人請與治歷大司農麻光等雜候日月晦朔弦望八節二十四氣

星使觀風福等閑

山之厚

閩山一名烏石山形如龜在福州西南一里

恭惟某官器姿凝遠業

履端宏平糴有方粟若源泉之混庶車所部黍回寒谷之溫宜對亨辰茂綏純嘏某贅員簪筆辱賜函牋視履

考祥願觀不遠之復裕民足國無忘自養之願

俱見前

代回周馬帥

虎

星轉璇璣一陽既復

見前

霜華玉帳百福交升

隋煬帝冬至受朝詩

霜華淨朱庭皎日光纓珮詩是生后稷降之百福又神嗜飲食卜爾百福隋音樂志百福四象初萬壽三元始又百福具膺嘉祥允洎靈威以降百福來綏又卜倫以具百福斯滋又上靈鍾百福羣臣歸萬年餘見前

恭

惟某官肅振戎昭

左傳戎昭果毅以聽之之謂禮

恪共武服

詩有嚴有翼共武之

服共武之服以定王國

馬騰士飽方夸洪鼎之扛

韓文士飽而歌馬騰於槽王充

論衡力能扛鴻鼎揭華旗

鳳應律諧氣協黃鍾之動佇寧邊鎗入總

中權

見前

某莫慶踐長先勤委重

韓文若以義請而強委重焉

仰觀雲

祲既符登觀之書

登觀之觀去聲

歸扈日營即見築壇之拜

晉明

帝紀王敦將舉兵內向帝密知之乃乘巴滇駿馬微行至湖陰察敦營壘而出有軍士疑帝非常人又敦正晝寢夢日環其城驚曰此必黃鬚鮮卑奴來也使五騎物色追帝帝已馳去劉夢得詩望夫人化石夢帝日環營

賀薛太守

師旦。甲申。是為寧宗嘉定十七年梅亭時年五十一。

歲籥在申驗乞漿之踰願

說文籥本作侖樂之竹管三孔以和衆聲也律歷志侖者

黃鍾律之實也躍微動氣而生物也釋名籥躍也氣躍而出古者取卯地之竹以為籥春分之音萬物振躍而

出也蘇文屢更歲籥袁子正論太歲在酉乞漿得酒

斗柄插子盍挹酒以迎年

韓詩

元和庚寅斗插子月十四日三更中詩維北有斗不可以挹酒漿封禪書黃帝時為五城十二樓以候神人於執期命時維二千石之良

循吏傳與我共此者其唯良二千石乎

敷錫十

萬戶之福

尚書皇建其有極斂時五福用敷錫厥庶民新唐書陳子昂傳一州得才刺史十萬戶賴

其福得不才刺史十萬戶受其困國家興衰在此職也

恭惟某官功參陰隲德配

陽休襦袴溫然適應重緹之煖絲綸近只適隨一綫之

添諒經伯趙司至之餘

並見前

即有薛侯來朝之命

春秋隱公

十有一年春滕侯薛侯來朝

某身棲棠蔭心委葭灰

見前

陪五更三點

之鵷行敢論交於結綬

蕭育傳少與陳咸朱博為友著聞當世往者有王陽貢禹故長

安語曰蕭朱結綬王貢彈冠言其相薦達也

依一寸四分之牛晷或委照於

受塵

尚書考靈曜冬至日月五緯俱起牽牛初劉向洪範傳冬至景一丈三尺一寸四分

賀全州趙守

必愿。按本傳必愿差充兩浙運使主管文字再考特差充提舉安邊所

主管文字差知全州陞辭奏乞下道江二州訪周惇頤之後餘見前

魯雲必書暮映衡山之月趙日可愛曉行湘水之春

全州

有湘春樓

特惟大雅之英

景十三王傳贊夫唯大雅卓爾不羣敘傳禮樂是修為漢

宗英

茂對細書之札恭惟某官道隨剛長德配陽休字民

之仁溫若重緹之律噓物以氣煖然五袴之歌諒觀荔

挺而芸生益慶竹苞而松茂某襪材綫短

並見前

泥軾冰

寒

黃霸傳別駕主簿車緹油屏泥于軾前以章有德

三壽作朋請效魯頌萬千

之祝

詩三壽作朋如岡如陵萬有千歲眉壽無有害注三壽三卿也國之三壽考之卿與作朋友

七

日來復幸觀義爰六二之辭

易復六二休復吉象曰休復之吉以下仁也

賀寶慶趙守

善湛○寶慶已見

魯雲必書將召和於嶰竹

見前

趙日可愛况小憩於甘棠

詩蔽芾甘棠勿翦勿敗
召伯所憩毛傳憩息也

維時循良茂介福祿恭惟某官

以佳公子

史記平原君翩翩濁世之佳公子也

繼古諸侯

王隱晉書郡守之權雖輕猶御

千里比之於古列國之君也白集殷彪制今之郡守古侯伯也

服政龍藩驗龍杓之回

次

寶慶府本唐邵州宋乾德間陞為中州以理宗潛邸陞寶慶府故曰龍藩天文志杓攜龍角注杓斗柄也

龍角東方宿也月令日窮于次月窮于紀星回于天

潛心鴻寶佇鴻羽之來儀

劉向

傳淮南有枕中鴻寶苑秘書師古曰鴻寶苑秘書並道術篇名易鴻漸于陸其羽可用為儀吉

履芸生

荔挺之辰萃松茂竹苞之慶即歸北闕遂冠南班某半

刺灰寒寸材綫短

並見前

空睨牽牛之景

詩睨彼牽牛不以服箱注睨明

星貌河鼓謂之牽牛

了無展驥之能楚波有餘自是回春於燕谷

並見前

魯酒甚薄不堪賦雪於梁園

莊子魯酒薄而邯鄲圍音義曰楚宣王朝

諸侯魯恭公後至而酒薄宣王怒恭公曰我周公之胤
勲在王室送酒已失禮方責其薄無乃太甚遂不辭而
還宣王乃發兵與齊攻魯梁惠王常欲擊趙而畏楚楚
以魯為事故梁得圍邯鄲言事相因也一說古者魯人
不能為酒惟中山之人善釀美者醉人至千日魯人求
其方不得有仕于中山者主酒家取其糟歸以魯酒漬
之謂人曰中山之酒也一日中山之酒主來索而飲之
吐而笑曰此余之糟液也奚其酒謝惠連雪賦歲將暮

時既昏寒風積愁雲繁梁王不悅遊于兔園乃置旨酒
命賓友召鄒生延枚叟相如來至居客之右王乃授簡
于司馬大夫曰抽子秘思騁子
妍辭侔色揣稱為寡人賦之

代回全州趙守 必愿

懷五更三點之鴛行舊同班於吳下

傳咸感別賦序友人魯虎叔雅量宏

濟秉心邃遠余少與之遊長情相親相友愛如同生
後遷太子洗馬俄而謬蒙朝私猥忝茲職雖懼不稱而
喜與此子同班共事江
表傳非復吳下阿蒙 驗一寸四分之牛畧今假陰於

黔中

蘇秦傳秦要楚欲得黔中地白起傳取楚定巫黔中郡西夷傳略巴蜀黔中以西王忠嗣傳不者黔

中上方圖修獻履之辭已先拜鳴謙之寵故情未整弱

念易盈

韓詩強懷張不滿弱念缺易盈

恭惟某官禮樂宗英侯王相種

陳涉傳侯王將相寧有種乎

決科唐殿肯吟麗日之煌煌

撫言李程貞元中試

日五色賦先榜落矣初出試楊於陵見其賦藁破曰德動天鑒祥開日華於陵覽之謂程曰公今須作狀元翌日雜文無名於陵深不平搗之以詣主文遂命取程所納面對不差一字主文因擢為狀元前榜不復放矣程後出大梁間浩虛舟應宏辭復試此題慮浩愈於已專馳一介取既至將啟緘尚有憂色及觀浩破題云麗日煌煌中含瑞光程喜曰李程在裏宅牧湘源聊和舞風之湑湑

全州漢屬長沙

國兆陽縣屬焉即今湘源晉高祖時改永州之湘源縣為清源縣置全州湑寫與切詩其葉湑湑毛傳枝葉不相比也詩詁云猶沃沃也柳文湘源二妃廟碑銘南風湑湑湘水如舞將子無謹神聽鐘鼓對此重

緹之候藹然五袴之歌魯雲必書翻手足看於短至

杜詩

翻手作雲覆手雨月令仲冬之月日短至

趙日可愛舉頭即近於長安

晉明帝紀

元帝問帝曰汝謂日與長安孰遠對曰長安近不聞人從日邊來明日宴羣僚又問之對曰日近舉頭見日不

見長安由是益奇之

某茈德微茫

杜牧詩陽德比君子初生甚微茫

甘心半刺

左傳

請受而甘心焉史記世主莫不甘心焉

地爐煨芋已漸參南嶽之禪

高僧傳唐

李泌與明瓚禪師遊禪徒謂之懶殘者泌嘗於衡岳寺讀書察其所為謂懶殘經音先悽愴而後喜悅必謫墮

之人時將去矣中夜潛往謁焉懶殘命坐發火取芋以啖之曰勿多言領取十年宰相東坡詩他年記此味芋

火對懶殘

山意放梅儻尚憶西湖之飲

杜詩山意衝寒欲放梅西湖孤

山有梅

代回婺州王守

補之。婺州已見。

鳳簫候氣律中黃鍾燕寢凝香衛森畫戟屆新陽之漸

進知純嘏之鼎來

俱見前

恭惟某官平易近民

史記政不簡不易民

不有近平易近民民必歸之

中和布政溫其五袴不惟田里之安

見前

清在一盂可作京師之潤

龐參傳為漢陽太守郡人任棠有奇節參到先候之棠不

與言但以水一盂置戶屏前參思其微意曰水者欲吾清也郭伋傳河潤九里冀京師并蒙福也俱詳見前

履長之後晉接何疑

易晉康侯用錫馬蕃庶晝日三接注以訟受服則終朝三褫柔進受

寵則晝

某濫綴周行

行寒剛切傳列也詩寘彼周行箋云周之列位謂朝廷臣也左傳君

子謂楚於是乎能官人詩云嗟我懷人寘彼周行能官人也主及公侯伯子男甸采衛大夫各居其列所謂周

行又逢趙至

左傳伯趙氏司至者也詳見前

旨且多多且旨莫捧葡萄

之觴

博物志西域有葡萄酒積年不敗彼俗傳云可至十年欲飲之醉彌日乃解魏文帝詔朝臣曰且設

蒲萄解酒宿醒掩露而食甘而不餽酸而不脆冷而不寒味長汁多除煩解餽又釀以為酒甘于麴米善醉而易醒道之固以流涎咽唾况親飲之金人元好問葡萄酒賦序云劉光甫言安邑多葡萄而不知有釀酒法少日嘗摘其實并米炊之釀雖成而古人所謂甘而不餽冷而不寒者失之矣貞祐中隣里一民家避寇自山中歸見竹器所貯葡萄在空盎上枝蒂已乾而汁流盎中薰然有酒氣飲之良酒也蓋久而腐敗自然成酒不傳

之秘于是而發元云嘗見還自西域者言大食人絞葡萄漿埋之未幾成酒愈久愈佳其說與劉合又云世無此酒久矣得之數百年之後而證數萬里之遠物顯晦有時非偶然者

代回慶元韓守

元禮○慶元已見

堯歷正冬魯臺書至其在惟良之牧宜膺滋至之休

見前

恭惟某官明永其相

富嘉謨明永篇明永時出御至尊又明永畢賦周在位相思將切質

也詩金玉其相

愛日之政

左傳注冬日可愛

民無遺便已歌襦袴之功

韓文凡為民去害興利若嗜慾居三年於江西八州無遺便

帝有恩言即拜絲綸之

命諒對復來之慶即膺晉接之榮某濫次近班無從旅

賀猷勤謙德特畀問綬

餘同王提舉條

代回吉州鄭守

寅○吉州已見

天復一陽氣陶萬類其在惟良之牧宜膺可致之祥

前見

恭惟某官清德猶永盛名如畫白鷺青原之山水暫屈

外庸

白鷺洲在吉州東贛江中有洲曰白鷺其長數里徐俯江上野望詩金陵與廬江俱有白鷺洲相望

萬里江中同二水流青原山在吉州東南十五里中有駝峯鷓鴣嶺勢甚喬聳王廷珪游青原詩異時黃魯

直嘗賦青原詩至今

黃龍五鳳之詔書即膺表選

黃龍五鳳

青原山名與星斗垂
漢宣帝年號師古曰黃龍元年二月黃龍見廣漢郡故改年應劭曰鳳皇五至因以改元循吏傳序二千石有

治理效輒以璽書勉厲增秩賜金或爵至關內侯公卿缺則選諸所表以次用之

會從亞歲入

觀書雲某濫綴紫囊阻趣畫戟先辱飛緘之祝惟深藏

襲之榮

俱見前

代回信陽趙守

善張○信陽軍古中國地秦屬南陽郡漢立平氏縣隸荊州之南陽

縣魏分置義陽郡宋文帝於北義陽復立司州又置宋安郡梁改北司州尋罷北宋又改郢州周武帝改中州隋煬帝改為義州尋為義陽郡唐立申州改為義陽郡復為申州即宋軍治宋以戶口少降為義陽軍改信陽軍

周圭測日魯觀書雲

見前

諒惟牧御之賢

寇恂傳帝南定河內鄧禹曰寇

恂文武備足有牧人御衆之才乃拜恂河内太守

宜介康寧之福

尚書九五福一曰壽二曰

富三曰康寧

恭惟某官秉姿剛大賦政中和洞明固圉之方

圉語許切爾雅垂也注守圉在外垂也左傳聊以固吾圉也疏拒邊垂也

茂著扞城之績

扞亦

作干詩公侯干城爾雅干扞也干盾自蔽扞也左傳諸侯所以扞城其民也

若時道長行有

詔追某濫綴荷囊阻持椒斝謹馮手筆略布衷忱

並見前

代回諸州

璿杓建子觀仍驗於五雲綺甸選侯復聿來於七日

並見

前仁賢所爰

說文爰舍也詩召伯所爰

第祿其穰

第福也詩第祿爾康矣

恭惟

某官德與時偕道隨剛長絲綸近只祥催宮綫之添襦

袴煖然聲協律緹之應

並見前

諒對四分之鳳歷

杜詩鳳歷軒轅

紀

趣歸三點之駕行某百念灰寒寸材襪短

並見前

歸吾

視諸故府漫見新陽

左傳士彌平曰晉之從政者新子姑受功歸吾視諸故府

蹇誰

留兮中洲願膺表選

屈原九歌君不行兮夷猶蹇誰留兮中洲

代回紹興黃尚書

由○黃由長洲人舉進士第一累官刑部尚書兼直學士院侍

御史張巖論其植偽黨遂奉祠嘉定間起為浙東安撫使仍官刑部尚書兼直學士院卒贈少師

陽正於子歷嚴伯趙之司

見前

星拱乎辰光燦文昌之座

天官書戴匡六星曰文昌宮晉天文志文昌六星在北
斗魁前天之六府也後百官志尚書出納王命敷奏萬
機斯乃文昌天府劉伯疏八座比於文昌二丞方於管
轄後漢有六曹尚書并令僕二人謂之八座尚書魏凡
五尚書二僕射并令為八座顏魯公詩尚書北斗尊
宜從亞歲茂介新祺恭惟某

官德稟中和氣全剛大給扶鳴履早儀喉舌之司

南史朱脩

之傳脚疾不堪獨行見特給扶侍袁憲傳表請解職不
許尋給扶二人始安王遙光傳加侍中中書令給扶衡
陽公謏傳轉南徐州刺史給扶王廣之傳徐侍中鎮軍
將軍給扶武陵王暕傳給油絡車給扶二人韓文許國
公神道碑上殿拜跪給扶贊元經體不治細微山谷詩
殿內給扶鳴漢履螭頭簪筆見秦冠詩維仲山甫王之
喉舌李固傳陛下之有尚書猶天之有北斗
也北斗為天之喉舌尚書亦陛下之喉舌
均佚偃藩

暫鎮股肱之郡

王荆公集賜韓琦詔方均佚豫適此外虞漢書敘傳木偃息以藩魏兮師古曰

木段干木也客居魏魏王敬而禮之過其廬未嘗不式也秦欲伐魏或諫曰魏君賢者是禮國人稱仁未可圖也秦遂止兵左思詠史詩吾希段干木偃息藩魏君梁書王僧孺傳偃息藩魏甘卧安郢宋子京與王相公書董琴順署雌閣偃藩季布傳南至既書於魯史

見東歸

宜詠於周詩

詩我東曰歸我心西悲

某才無綫長心亦灰冷紫宸

朝散空驚獨老之形容

載記符丕傳贊赤縣成蛇豕之墟紫宸遷鼉鼉之穴少陵臘日

詩縱酒欲謀良夜醉還家初散紫宸朝又冬至詩江上形容吾獨老天涯風俗自相親杖藜雪後臨丹壑鳴玉

朝來散紫宸

畫戟畫森願謹凝香之寢衛

見前

代回廣德余守

嶧○廣德已見

緹灰應律圭綫迎長諒畫戟之凝香叶黃鍾而宣德恭

惟某官溫恭為政平易近民善頌洋溢於內畿和氣周

流於寒谷

並見前

茲一陽之既復諒百祿之交并

詩受天百祿又

百祿是荷又百祿是適又百祿是總

某偶綴朝參

杜詩頗恠朝參懶白樂天詩時暑放朝參

莫

陪旅賀五雲下墜如瞻魯觀之書

見前

七日朋來會見頽

川之壘

黃霸傳天子以霸治行終長者下詔稱揚曰頽川太守霸宣布詔令百姓鄉化可謂賢人君子

矣其賜爵關內侯秩中二千石

代回台州常守

建○台
州已見

斗柄北攜

天文志杓攜龍角注
杓斗柄也攜連也

日躔南至驗侯伯化行

之美

詩序鵲巢騶虞之德諸侯之風也又美化行
乎江漢之域又文王之化行乎汝墳之國

應君

子道長之休恭惟某官江漢把麾

杜牧詩欲把一麾江
海去樂游原上望昭

陵

京師蒙潤擁碧油之旆歛惠一州

三朝志旌節唐天
寶中置韜以碧油

白樂天詩碧油幢引向東川

標赤城之雲載書五色

赤城

山在台州縣北六里一名燒山其上石壁皆如霞色望
之如雉堞故名孫綽天台山賦赤城霞起以建標李詩

天台隣四明華頂高百越
門標赤城霞樓榭滄海月

宜從穀旦

見前即覲楓宸
文選
楓槐

被宸注漢殿
前多植楓

某偶綴顏行

嚴助傳執事之顏行文潁曰顏行猶鴈行在前行故曰顏

也無從面慶頌魯侯之受祉益熾而昌

詩魯侯燕喜既受多祉

問

顏子之為邦不遠而復

繫辭顏氏之子其殆庶幾乎易曰不遠復无祇悔

代回平江李大諫

大異○平江已見

黃鍾應律地回燕谷之春畫戟香凝人詠蘇州之守

前見

宜從亞歲益介繁禧

禧虛其切福也或作釐禮樂志媼神蕃釐師古曰釐讀作禧蕃多也

禧福也

恭惟某官以厭承明

嚴助傳厭承明之廬

而試馮翊

蕭望之傳宣帝

察望之經明持重論議有餘材任宰相欲詳試其政事復以為左馮翊

獻履貢襪益深旒

宸之思今袴昔襦聊借京師之潤布緹密驗召緯顯頒

並見前

某縻身於朝莫面以賀靈臺歛竹已默應於殿中

後律歷志截管為律吹以考聲列以物氣道之本也殿中候用玉律十二惟二至乃候靈臺候用竹律六十候

日如山意

放梅更相期於鼎實

易鼎有實注以陽之質處鼎之中有實者也又

鼎黃耳中以為實也注以中為實所受不妄也潘岳詩王生和鼎實山谷詩古來和鼎實此物升廟廊

代回處州林守

孔昭○處州已見

化日迎長卿雲紀瑞

見前

黃鍾動地叶陽律六鳳之鳴

律歷

志十一月乾之初九陽氣伏於地下始著為一萬物萌動鍾于太陰故黃鍾為天統紅旂行春驗

人生五馬之貴

見前

恭惟某官剛全天運和協時中言從

古括之邦

處州隋改括州以括蒼山得名

暫布甘棠之教

詩序甘棠美召伯也召伯

之教明於南國

三重緹縵既觀葭律之浮一札絲綸即趣楓宸

之侍某無由旅賀猥辱謙施問顏子之為邦不遠而復

願魯侯之受祉俾熾而昌

俱見前

代回常州王守

遇○常州已見

氣動黃鍾潛應一陽之復香凝畫戟孰如千里之常宜

對休辰茂膺蕃祉

並見前

恭惟某官心焉禹稷政則龔黃

東坡詩龔黃側畔難言
政羅趙前頭且眩書

似聞十萬戶之民各安汝止

尚書

安汝止
此借用

咸賴二千石之福以莫不增

詩如川之方至以莫不增

緹琯

灰浮絲綸鼎至某未由獻履莫獲稱觴山意放梅試問

和羹之信靈臺歛竹盡同寒谷之溫

俱見前

代回建寧傅大諫

伯成○建寧已見

魯臺觀象肇新五物之書

周禮保章氏以五雲之物辨吉凶水旱降豐荒之祲注至

分觀雲色青為蟲白為喪赤為兵荒黑為水黃為豐

漢殿陳儀爰合八能之奏

見前

代回大理趙少卿條

惟良作牧與國同休恭惟某官節凜冰霜氣

塞天地一麾出守績已茂於循良千里見王道豈忘於

仁義當陽德彙進之始非君子道長而何宜對熙辰茂

膺純嘏

並見前

某無由稱慶輒致頌言攜角斗杓厯已開

於周正

歲華紀麗冬至節次周正餘見前

植鰭箕尾夢即兆於商巖

渠鰭

伊切魚脊上骨也禮記疏夏時陽氣上在魚脊故右鰭
凡陽氣所在之處肥美通作鬐荀子非相篇傳說之狀
身如植鰭言如魚鬐之植立也楊倞注云如魚之立誤
矣莊子傳說相武丁奄有天下乘東維騎箕尾而比于
列星注傳說星精也而傳說一星在箕尾上然箕尾則
是二十八宿之數維持東方故言乘東維騎箕尾而與
角亢等星比並行故云比于列星尚書說命恭默思道
夢帝賚予良弼乃審厥象俾以形旁求于天下說築傅

巖之野
惟肖

代回慶元程守

準○慶元已見

鳳簫寸全中黃鍾之律

簫說文本作龠樂之竹管律歷志五聲之本生於黃鍾之律九

寸為宮黃帝使伶倫取竹之解谷斷兩節間而吹之以為黃鍾之宮制十二簫以聽鳳之鳴比黃鍾之宮而皆可以生之是為律本又三統相通故黃鍾林鍾太簇律皆長全寸而亡餘分也虎符分渥凝畫

戟之香

前見

履此休辰宜其遐福恭惟某官氣全剛大德

稟中和聊卧治於潛藩

汲黯傳吾徒得君重卧而治之宋以明州為奉化郡建隆三年

改奉化軍慶元元年
以潛藩陞慶元府

迄坐寧於瀚海

瀚侯肝切北海名初學記北海大海

之別有瀚海漢書漢使驃騎將軍霍去病北伐單于至瀚海而還

六宮一綫添樂國之

崇陰歲時記晉魏間宮中以紅線量日影冬至後日添長一線雜錄唐宮中以女功揆日之長短冬至後

比常日增一線五緯連珠接故家之樞柄律歷志武帝之功互見前

一月甲子朔旦冬至五星如何天之寵何或作荷詩荷連珠應劭曰七曜皆會牽牛

不日而還某濫司秋雲左傳黃帝雲師雲名黃帝受命雲瑞故以雲紀官秋官為

雲莫捧春酒詩為此春酒葭浮六琯足知君子之亨杜詩

吹葭六琯動飛麥熟兩歧請副輿人之禱張堪傳堪為

灰易復亨剛反晉侯聽輿人之謀又輿人之誦注輿衆也

欽定四庫全書

卷四十五

代回湖州魏守

大中○湖州已見

杓攜龍而建子象自天旋前見簫吹鳳以及辰陽從地復

律歷志十一月乾之初九陽氣伏諸侯之應百福是宜

恭惟某官坐分左符文帝紀初與郡守為銅虎符師古

留京師左以與之東坡詩橫空卧治右翊地理志左馮

好在脩眉色頭白猶堪乞左符口鎮唐置貢茶院於此

借用三微統正知顧渚之春回顧渚在長興西北即水

張元之銘云吳王夫差顧其渚一綫影舒覺長安之日

次平衍可為都邑故名餘見前獸二為友貝二為

近道隨剛長福與時升某茲辱朋緘朋詩朋酒斯饗毛

傳兩尊曰朋又古無由旅賀葭葭六琯是為神策朔復

者貨貝五貝為朋封禪書公孫卿曰今年得寶鼎其冬辛巳朔旦

朔之祥冬至與黃帝時等卿有札書曰黃帝得寶鼎宛

胸問於鬼史區鬼史區對曰黃帝得寶鼎神策是歲已

酉朔旦冬至得天之紀終而復始於是黃帝迎日推策

後率二十歲麥熟兩歧莫陪太守樂其樂之宴歐陽永

復朔旦冬至亭記臨溪而漁溪深而魚肥釀泉為酒泉香而酒列山

穀野藪雜然而陳前者太守宴也宴酣之樂非絲非竹

射者中奕者勝觥籌交錯起坐而誼誹者衆賓懼也蒼

顏白髮頹乎其間者太守醉也已而夕陽在山人影散

亂太守歸而賓客從也樹林陰翳鳴聲上下游人去而

禽鳥樂也然而禽鳥知山林之樂而不知人之樂人知

從太守游而樂而不

知太守之樂其樂也

欽定四庫全書

卷四十五

代回嘉興林守

良○嘉興已見

鳳歷起黃鍾之籥地氣上騰月令孟春之月天

畫戟之香天休滋至尚書天休滋至恭惟某官謹身率

下循吏傳序皆謹身善政致和魯觀雲開接吳王之檣

李地志會稽郡由奉注紫辟故就李鄉吳越戰地應

幼曰古之檣李也今嘉興周畿日永憩召伯之甘棠緹

西南四十五里有檣李城

氣既溫綸音必渙履正

也某濫塵豹尾後漢書與服志最後一車懸豹尾豹尾

罷屯解圍胡廣曰施於道路豹尾之內為省莫捧兕觥
中故須過後屯圍乃得解皆所以戒不虞也
見前代回諧桓泰之和既知谷煖律歷志度者分寸尺
丈引也所以度長短
程監丞條也本起于黃鍾之長以子穀桓泰中者一泰之廣度之
師古曰子穀猶言穀子桓即黑泰中者不大不小也
作嘉禾之命即聽庭揚書序唐叔得禾異畝同穎獻諸
天子王命歸周公于東作歸禾
吳志黃龍五年會稽言嘉禾生改由拳
為嘉禾縣易大揚于王庭孚號有厲

代回通州李守

直養○通州秦屬九江郡漢屬臨淮郡東漢屬廣陵郡隋初郡廢屬

江都郡唐屬揚州南唐李氏於海陵之東境置靜
海都鎮制置院周世宗建靜海軍為通州宋因之
改崇川尋復
今屬揚州府

初陽見天地之心三微既兆

見三十九卷
回林嘉興條

太守為吏民

之本百祿是適

循吏傳序太守吏民之本也數變易
則下不安詩百祿是適毛傳聚也

恭

惟某官和而不流剛而無虐

尚書剛而無
虐簡而無傲

森凝畫戟共

稱二千石之良

見

顧瞻白雲遙上九十親之壽

狄仁傑
傳授并

州法軍參軍親在河陽登太行山及顧見白雲孤
飛謂左右曰吾親舍其下瞻悵久之雲移乃得去

勞謙

有吉

易勞謙君子有終吉注
上承下接勞謙匪懈

視履考祥

見

某方具賀緘

先承慶牘五袴既煖共瞻刺史之天

趙嘏詩尋花偶坐
將軍樹飲水方重

刺史天東坡詩一見
刺史天稍忘獄吏尊

一線已添請近長安之日

見前

代回嚴州胡守

案○嚴州已見

葭管灰浮肇正三微之統崇陰日永況親千里之畿百

祿是適諸侯之應

並見前

恭惟某官敷華緯國

班彪傳敷文華以緯

國典守賤薄

斂惠專城

韓文欽此大惠兮施于一州李詩虎符合專城

嶰谷冬

寒既協鳳鳴之律桐江春滿足凝燕寢之香

桐江在嚴州許渾詩

潮去潮來洲渚春花如綵草如茵嚴陵臺下桐江水解釣鱸魚有幾人

雲物一新

左傳分至啟閉

必書雲物

天休滋至某未由旅賀猥辱謙施氣有推移願體

璇璣之運

並見前

民無愁歎佇調玉燭之和

爾雅四時和謂之玉燭注

道光照疏道言也言四時和氣溫潤明照故
曰玉燭李巡云人君德美如玉而明若燭

代回婺州趙守

善下○婺州已見

月臨周正肇書魯觀之雲

見前

天昨漢宗佇賦梁園之雪

昨存故切福之使社稷之長曰昨揚子天昨
明德周語天地所昨福也又昨以天下祿也

宜裒茨福

詩君子至止福祿如茨茨音
慈以茅覆屋曰茨言密比也

以厚桐封

史記唐叔虞者成王弟成王與

叔虞戲削桐葉為珪以封叔虞史佚因言請擇日立叔
虞成王曰與之戲耳史佚曰天子無戲言於是遂封叔

虞於唐
後為晉

恭惟某官德稟忱恂

尚書廸知忱恂
于九德之行

才無驕吝

天子有命俾司玉葉之盟

左傳公子公族之枝葉也故
公族謂之金枝玉葉古今注

黃帝與蚩尤戰於涿鹿之野常有
五色雲氣金枝玉葉止於帝上
价人維藩暫試金華

之牧

詩价人維藩大師維垣玉臺新詠序云金星與婺
女爭華故婺州曰金華神仙傳皇初平丹溪人也

年十五家使牧羊有道士見其良謹將至金華山石室
中其兄初起行山尋索道士曰金華山中有一牧羊兒

是卿弟非
疑此借用
不遠之復未占已孚某濫綴秋官阻陪夏賀

淮南子大厦成
而燕雀相賀
獻履貢襪既書南至之祥袞衣繡裳願

副東歸之詠

俱見前

代回邵武周知軍

章○邵武本漢治縣地東漢為
東侯官縣地屬會稽郡三國吳

於此置邵武縣屬建安郡晉改縣曰邵武隋平陳
後縣廢尋置屬撫州大業初屬臨川郡唐改屬建

州宋以縣置邵武軍又領歸
化建寧光澤三縣屬福建路

維斗建子既復一陽受地視侯懋綏百祿恭惟某官中

和布政撫字勞心今五袴之載歌紛迎騎竹

並見前

添一

線之徙蔭聊復憩棠

新唐書桑蔭未徙而大功立

諒當凝燕之香丕

介龐鴻之祉某未遑旅賀先辱謙施鳴鳳召和想二天

之獨有

並見前

拂龜端策驗七日之朋來

易復朋來无咎反復其道七日

來復王弼注所謂陽也陽氣
始剥盡至來復時凡七日

代回無為趙知軍

善湘○無為軍古巢伯國秦為九江郡漢高帝更為淮南國以

黥布為王景帝為廬江郡統縣十一而居巢臨湖
襄安隸焉即今無為之地也曹操屯軍居巢後屬
吳周瑜為居巢長梁屬南豫州又屬合州今屬廬
州唐武德以居巢縣為巢州宋太平興國間析舊
廬州廬江縣為巢縣以無為鎮為無為軍又耆舊
相傳云無為軍本號城口鎮隸巢縣淳化中鎮居
土豪侯仁信等進狀乞創軍壘時僭偽悉平思與
天下安於無事因取無為而治之意以名之熙寧
間又析巢縣廬陵之六鄉置無為縣至本朝以縣
省入屬廬州府○宋史趙善湘字清臣濮安懿王
五世孫慶元二年進士調金壇縣丞知餘姚縣通
判婺州提轄文思院出判無為軍兼淮南轉運判
官淮西提點刑獄歷知常湖和三州遷知大宗正
丞兼權戶部郎官改知秘閣淮南轉運判官兼淮
西提舉常平兼知無為軍進直徽猷閣主管淮南
制置司公事兼知廬州兼本路安撫仍兼轉運判

官提舉常平進直寶文閣以平固始冠功進直龍
圖閣知鎮江府拜大理少卿進右文殿修撰知鎮
江府封祥符縣男進集英殿修撰拜大理卿權刑
部侍郎進寶章閣待制沿海制置使兼知建康府
江東安撫使進封子以初防江軍寧淮軍及平楚
州畔寇等功進龍圖閣待制煥章閣直學士進封
伯以李全犯淮東進煥文閣學士江淮制置使命
專征討許便宜從事進封侯及戮全露布上聞進
兵部尚書以平閩寇功轉江淮安撫制置使以復
泰州淮安州鹽城淮陰縣四城功進端明殿學士
仍升任留守以復盱眙軍泗壽二州功進資政殿
學士進大學士提舉洞霄宮封天水郡公卒贈少
師所著有周易約說周易或問周易續問學易補
過洪範統論中庸約說大學解論語大意孟子解
老子解春秋三傳

通議詩詞雜著

地雷既復

易雷在地中復疏雷是動物復卦以動息為主故曰雷在地中

星昴初臨

尚書

日短星昴以正仲冬孔傳冬至之日昴白虎之中星七星並見

州牧之政惟和

尚書庶政惟和

君子之道斯長

易君子道長小人道消也

恭惟某官名駒千里

劉德傳有

智畧武帝謂之千里駒師古曰言若駿馬可致千里也年齒幼少故謂之駒詳見前

分雉列城

通雉

作埃城三堵也王肅云城高一丈曰堵三堵曰雉禮記坊記都城不過百雉注雉度名高一丈長三丈春秋正義曰五版而堵五堵而雉堵四十尺雉二百尺公羊傳百雉而城注二萬尺周十一里三十二步二尺高二雉公侯之制天子千雉高七雉伯七十雉高五雉子男五十雉高三雉胡氏曰雉飛不過二丈曰雉者取其飛之遠近為喻葉氏曰雉守死而不犯分有自衛之道故都城言雉

淮水湯湯遠借藩維之

重

詩鍾鼓將將淮水湯湯無為軍宋隸淮南西路引詩斷章唐書忝備藩維李詩諸王若鸞虬肅穆列藩維

東坡詩山河地襟帶軍鎮國藩維

周原膺膺近觀還定之功

詩周原膺膺董茶如

飴傳周原沮漆之間也膺膺美也箋廣平曰原周之原地在岐山之南膺膺然肥美詩序鴻鴈美宣王也萬民離散不安其居而能勞來還定安集之

宜對剛辰茂膺純嘏其無由陪賀

茲辱飛緘憩甘棠之陰益舒樂日奏孤竹之管即聽鈞

天

俱見前

代回寧國王守

補之○寧國已見

登魯臺而書雲物載叶剛長

易復利有攸往剛長也注往則小人道消也剛長當

音上聲今叶平聲者古亦有之唐太宗周易詩云
暉光日新照于四方小人勿用君子道長是也 頌宣

州之賢主人宜裒景睎

韓文愈未嘗至宣州而樂頌其主人之賢者以其取人信之也

廣韻景大也說文睎賜也

恭惟某官氣鍾高厚德備中和昔華貫之

徧儀今大邦之為殿

殿鎮也詩殿天子之邦

何天之寵

詩何天之寵何音賀

擔負也龍當作寵榮名之謂

如日之升

詩如月之恒如日之升傳恒弦升出也言俱進也箋月上

弦而就盈日始出而就明

某莫捧兕觥過勤魚素

並見前

反復其道公

宜歸槐棘之班

易反復其道七日來復

支離其形我欲息桑榆之

影莊子支離其形者猶足以養其身終其天年又況支離其德者乎注支離形體不全貌淮南子日西垂景

在樹端謂之桑榆莊子處陰以休影處靜以息迹

代回池州陳守

奕○池州秦屬鄣郡漢改丹陽郡三國吳為石城侯邑晉屬宣城及

豫章郡梁屬南陵郡陳屬北江州隋初屬宣州後改州為宣城郡唐初始置池州治秋浦以地有貴池故名貞觀初州廢永泰初復置南唐陞康化軍宋復為池州今因之

鳳律浮葭既迎日至虎符分竹茂擁天休恭惟某官克

壯其猷共武之服甘棠教洽樂晷晷之移陰

並見前

細柳

營堅新岸容之待臘

周亞夫傳亞夫為將軍軍細柳杜詩岸容待臘將舒柳

宜裒

多祉以對休期某濫綴朝行阻陪賀旅雙旌風動熟觀

雲祲之祥

白樂天詩紅旆擁雙旌

六纛霜嚴佇應雷聲之震

新唐書百

官志節度使掌總軍旅顓誅殺初授具帑抹兵仗詣兵部辭見觀察使亦如之辭日賜雙旌雙節行則建節樹

六纛中

官祖送

代回安豐史知軍

天錫○安豐已見

魯臺南至卦占七日之來

見前

淮水東馳人詠二天之有

韓詩淮水出桐栢山東馳遙遙千里不能休

宜哀多祉以錫諸侯恭惟某官

風調不羣

隋書楊素頗推高類其才藝風調優於類

器資茂盛承師旅饑饉

之後力撫瘡痍

杜詩願聞哀痛詔端拱問瘡痍孟郊詩天下無義劍中原多瘡痍

收愁

恨歎息之聲復堅保障屬當荔挺宜介椿祺

並見前

某莫

或飛觴

歐詩惟應陪主諾不費日飛觴

猥勤染翰惟君子之道既長如

川之增

詩如川之方至以莫不增箋方至謂水縱長之時也萬物之收皆增多也

願方伯之

政惟和何天之寵

禮記千里之外設方伯五國以爲屬有長十國以爲連連有帥三十國

以爲卒卒有正二百一十國以爲州州有伯八州八伯五十六正六十八帥三百三十六長尚書內有百揆四岳外有州牧侯伯庶政惟和萬國咸寧餘見前

代回信州李寺丞

昌○信州已見

律中黃鍾日運躔於斗北

方言躔歷也日運爲躔月運爲膠淮南子日冬至則斗北

中香凝畫戟雲紀瑞於江東

黃帝受命有雲瑞故以雲紀事易通卦驗冬至初陽

雲出箕如樹木之狀
杜詩江東日暮雲

肇對剛辰宜裒蕃祉恭惟某官器

資冰潔德政川流

並見前

盤仙李之根豈假葭莩之援

杜詩

仙李盤根大景十三王傳葭莩之親張晏曰葭蘆也莩葉裏白皮也晉灼曰莩葭裏之白皮也皆取喻於輕浮也師古曰葭蘆也莩者其筍中白皮至薄者也葭莩喻著後律歷志候氣之法以木為案加律其上以葭莩灰抑其內端注

憩甘棠之蔭茂騰桑麥之歌

張堪傳堪為漁陽太守百

姓歌之曰桑無附枝
麥秀兩岐詳見前

來復之爻既占視履之祥可考

見前

某濫班朝綴莫履賀約問微陽之回未回誰汲無波之

井

東坡冬至詩井底微陽回未回蕭蕭寒雨濕秋荻注月令冬至則水泉動白樂天詩無波古井水有節秋

竹竿此

知太守之樂其樂賸頒有脚之春

賸以證切說文物相增加

也徐曰今鄙俗謂物餘為賸增韻益也餘也

代回濠州何都統

汝霖○濠州已見

新陽浮瑄賓化日之長

見前

元帥開藩茂介自天之祐

詩受天之祐四方來賀又曾孫壽考受天之祐

恭惟某官深沉而能勇果毅而

善謀鶴唳淮淝早立鼓鼙之績

謝玄傳決戰肥水南苻堅中流矢堅衆奔潰死

者不可勝計肥水為之不流餘衆棄甲宵遁聞風聲鶴唳皆以為王師樂記鼓鼙之聲謹謹以立動動以進衆

君子聽鼓鼙之聲則思將帥之臣

魚游濠上今宣保障之勞

莊子莊子與惠子游

于濠梁之上莊子曰儵魚出游從容是魚樂也惠子曰子非魚安知魚之樂莊子曰子固不知子矣子固非魚也子之不知魚之樂全矣莊子曰請循其本惠子曰女安知魚樂云者既已知吾知之而問我我知之濠上也

茂對休辰宜裒多祉某未遑馳慶

猥辱貽箋登觀書雲已密觀於道長

見前

築壇擇日佇益

振於戎昭

韓信傳擇日齋戒設壇場具禮左傳戎昭果毅以聽之之謂禮

代回無為趙知軍

善湘

密緹布室地氣上騰緩帶專城天休滋至

俱見前

恭惟某

官飛英屬籍

史記商君傳宗室非有軍功論不得為屬籍索隱曰謂宗室若無軍功則不得入屬

籍謂除其籍則雖無功不反爵秩也文帝紀復諸劉有屬籍家無所與田蚡傳舉謫諸竇宗室無行者除其屬

籍

斂惠价藩

韓文斂此大惠兮施于一州詩价人維藩

草木知名威肅江淮

之遠葭莩候律春回嶰谷之溫燕喜惟新

並見前

龍光有

渥

詩為龍為光

某無由稱慶過辱屬辭梅放柳舒既密回於

一氣竹苞松茂願益對於百祺

並見前

代回衢州孫守

子直○衢州已見

孤竹之管雲和之琴律諧冬至

周禮大司樂孤竹之管雲和之琴瑟雲門之舞

冬日至於地上之圓丘奏之孤竹特生之竹雲和山名

太末之城姑蔑之里和共

春回

韓文衢州徐偃王廟碑姑蔑之墟太末之里又太末之里姑蔑之城太音闢衢州春秋為越姑蔑之

地秦屬會稽為太末縣左傳越伐吳王孫彌庸自泓上觀之見姑蔑之旗曰吾父之旗也杜預注姑蔑越也今浙江龍游縣

時維甸侯

柳詩繼酬天祿署俱尉甸侯家

懋綏疇祉

易否九四

有命无咎疇離祉孔疏疇疇匹謂初六也離麗也謂附著也言九四命初身既无咎初既被命附依祉福言初六得福也

恭惟某官氣資冰潔政術泉流桑蔭在庭認憩棠

之勿翦

新唐書桑蔭未徙而大功立

忝生於谷笑刻楮之不成

列子宋人

有為其君以玉為楮葉者三年而成鋒殺莖柯毫芒繁澤亂之楮葉中而不可別也列子聞之曰使天地之生

物三年而成一葉則
物之有葉者寡矣
佇即從日邊而來
晉明帝紀不聞人從日邊來居

然可知也
斯可後天下而樂某漫聯粉社
郊祀志高祖禱豈粉榆社

鄭氏曰粉榆鄉名也社在粉榆晉灼曰粉白榆也社
在豐東北十五里師古曰以此樹為社神因立名也
阻

捧栢觴
見前
畫戟凝香已不殊於雲物
少陵小至詩雲物不殊鄉國異教兒

且覆掌
紫宸朝散猶及見於風標
杜詩縱酒欲謀良夜飲還家初散紫宸朝

又杖藜雪後臨丹壑鳴玉朝來散紫宸
任昉進封衡陽王詔風標秀特
體淹弘南史柳登傳柳澄風標才氣

恐不能為
少主臣

代回南安趙知軍

師傳○南安已見

魯雲既書陽從地復

見前

趙日可愛福與時升

詩神之弔矣詒爾多

福如月之恒如日之升

恭惟某官信厚存心

詩序關雎之化行則天下無犯非禮雖衰

世之公子皆信厚如麟趾之時也

中和布政灰浮緹室民知襦袴之溫

線永繡紋公豈繭絲之急佇息潢池之盜益凝畫戟之

香

並見前

某未果馳箋猥勤飛翰軍聲破竹會清洞口之

塵埃

杜預傳兵威已振譬如破竹數節之後皆迎刃而解無復著手處也杜詩胡危命在破竹中峒山在

南安城北十八里上有泉出石隙瀑流數尋下匯為澄潭

山意放梅試問嶺頭之消

息

大庾嶺在大庾縣西南二十里吳錄南野縣有大庾嶺自嶺嶠九磴二里至嶺下七里平行十里至平亭

劉嗣之南康記云平亭謂之橫亭圖經云嶺初險獬唐張九齡開鑿新路乃斷崖成峽兩壁聳立仰視霄漢中塗坦夷又名梅嶺其上多梅南安志嶺上有寺有婦人題云妾幼侍父任英州司寇既代歸以大庾有梅嶺之名而反無梅遂植三十株於道傍既又題此詩於壁間云英江今日掌刑回上得梅山不見梅輟俸買將三十本清香留與雪中開

代回吉州史守

定之○吉州已見

律中黃鍾謹書雲於太史

前見

香凝畫戟歌湛露之諸侯

詩序湛露天子燕諸侯也箋云諸侯朝覲會同天子與之燕所以示慈惠

茂對休辰宜膺純

嘏恭惟某官榮分漢竹式憩甘棠

前並見

執樂三千俯就

專城之樂

東坡詩紅粧執樂三千指白紵連牆十萬艘

提兵數萬更書擊賊

之功

晉書朱伺傳諸人以舌擊賊伺惟以力耳魏書傳永傳上馬能擊賊下馬作露布惟傳修期耳福

與時升道隨剛長某未由敘賀猥辱馳箋敢因勒復之

間輒致鳴謙之謝

並見前

代回江州陳守

卓○江州已見

七日來復聖人見天地之心

見前

九江孔殷太守宅生靈

之命

尚書九江孔殷禹貢釋文九江謂烏白江蚌江烏江嘉靡江畎江源江廩江提江箇江張須元綠江

圖九江謂三里江五州江嘉靡江烏土江白蚌江白鳥江箇江沙提江廩江曾氏云過九江至于東陵東陵今

之巴陵巴陵之上即洞庭也考之前志沅水漸水無水辰水敘水酉水醴水湘水資水皆合洞庭中東入于江致和以政均福於民恭惟某官喜氣排冬盛名如晝日

長一線賦豈急於繭絲氣煖重緹香自凝於燕寢

並見前

佇盼褰璽

集韻頌或作盼通作班周禮匪頌注讀為班布之班謂分賜也

遂秉觀圭

詩以

其介珪入覲于王

某辱託為寮過勤示問修戶庭之令有愧頌

言寬田里之愁無忘愛助

俱見前

代回新順慶李守

鐘○順慶府古巴子國秦滅巴立為巴郡即漢巴郡之安漢縣

也亦為充國縣地二縣並屬益州之巴郡劉璋分墊江置巴西郡宋於安漢故城置南宕渠郡隋罷

宕渠郡以安漢縣屬隆州改安漢縣為南充縣改隆州為巴西郡唐割隆州南充相如二縣置果州隸山南西道改南充郡復為果州改為果州尋復為果州偽蜀為永寧節度宋平蜀隸梓州路以寧宗潛邸陞順慶府

書雲登觀願面慶於考祥

易視履考祥其旋元吉

至日閉關辱手

箋之却謁

易先王以至日閉關商旅不行后不省方

敢馮尺牘

陳遵傳遵性善書與人尺牘

牘主皆藏奔以為榮雜志晉宋兵革之間禁書疏非弔喪問疾不得行尺牘

就布寸局

局涓焚切

說文外閉之關也左傳引逸詩周道挺挺我心局局

恭惟某官心與氣游德隨剛

長出守數已六遠邁鄴侯之行年

韓詩鄴侯家多書挿架三萬軸偉哉羣聖

文磊落載其腹行年餘五十出守
數已六京邑有舊廬不容久食宿
近古俗有三喜見坡

仙之歸里

東坡眉山遠景樓記吾州之俗有近古者三
其士大夫貴經術而重氏族其民尊吏而畏

法其農夫合耦以相助盖有三代
漢唐之遺風而他郡之所莫及也
既新鳳律宜簞駕行

見至朔同日謂之章章有慶矣

後律歷志至朔同日謂
之章同在日首謂之節

易來章有慶詩維其有章
矣是以有慶矣俱詳見前
壽考維祺介以福福履綏之

詩壽考維祺以介景福
又樂只君子福履綏之

某欲厠賓綦

綦音其履飾也禮
記屨著綦注屨繫

也疏云屨頭施繫以為行戒或屨上自有繫以結于足
也張協詩案無蕭氏牘庭有貢公綦王荆公詩游客經

年斷
履綦

先廛旅拒

陳徐陵為王質移文氏羌旅拒已跨伊
瀍胡羯憑陵方踰汾潞牛僧孺鷄觸人

述以長纓羈繫
彼莫得旅拒

靜以待陰陽之定願致頌言

月令仲冬之月日短

至君子齋戒處必掩身身欲寧去聲色禁
嗜欲安形性事欲靜以待陰陽之所定

復其見天地

之心即觀征吉

東坡冬至致語觀其來復見乎天地之心靜以無為待此陰陽之定

代回前權萬州趙太守

萬安軍本漢珠崖郡也唐為崖州文昌縣地貞觀中

析置萬安縣隸瓊州後改隸崖州龍朔初置萬安州至德初改萬全郡乾元初復萬安州宋熙寧中改為萬安軍紹興初廢軍為萬安縣後復置軍仍改縣為萬安元因之今為萬州

昂星正當式應堯時之授

尚書曰短星昂以正仲冬又歷象日月星辰敬授人時

辛日書至允符魯觀之占維時元帥之詩書

並見前茂介

宜民之福祿

詩宜民宜人受祿于天千祿百福子孫千億董仲舒傳詩云宜民宜人受祿于天為

政而宜于民者固當受祿于天

恭惟某官德潛剛克道配陽休雷在地

中吉既亨於七日

見前

風行水上身即近於五雲

易風行水上渙

疏風行水上激動波濤散釋之象又渙汗其大號此取渙號之義杜詩五雲多處是三台

押駕行三

點之班轉鴻鈞八荒之氣某寸材線短一障冰寒

並見前

牽牛之景丈三實窘蹊田之奪

左傳牽牛以蹊人田而奪之牛牽牛以蹊者信

有罪矣而奪之牛罰已重矣餘見前

鳴鳳之筒七寸誰回嶰谷之溫

律歷志取

竹之解谷斷兩節間而吹之以為黃鍾之宮制十二簞以聽鳳之鳴又五聲之本生於黃鍾之律九寸為宮或

損或益以定

商角徵羽

賀胡通判

衍○甲申○甲申為寧宗嘉定十七年梅亭時年五十一

歲在申而得酒已回葭律之溫

見前

斗建子以挹漿正作

菊潭之壽

風俗通南陽酈縣有甘谷谷水甘美云其山有大菊水從山上流下得其滋液谷中有三

十餘家不復穿井悉飲此水上壽百二三十中百餘下七八十者名之大天菊花輕身益氣令人堅強故也司空王暢太尉劉寬袁隗為南陽太守聞有此事令酈縣月送水二十斛用之飲食諸公多患風眩皆得瘳盛宏之荊州記酈縣菊花水太尉胡廣久患風羸恒汲飲此水後疾遂瘳年近百歲非惟天壽亦菊延之此菊甘美廣後收此菊實播之京師處處傳植

星屏所舍雲氣可占恭惟某官德與

時偕道隨剛長

見前

千里分風月之半邦國不空

古詞獨倚胡牀

庾公樓外峯千朵與誰同坐明月清風我別乘一來有唱終須和還知麼自從添箇風月半分破王祥傳邦國

不空別駕之功

六爻見天地之心公侯必復

易六爻發揮旁通情也左傳公侯子

孫必復其始餘見前

諒裒純嘏即上清班

東坡詩瑋璋滿清班

某百念灰寒

白樂天冬至詩心灰不似爐中火鬢雪過於砌下霜

寸材線短窮簷日煖不堪輸

炙背之忠

嵇康與山濤絕交書野人有快炙背而美芹子者欲獻之至尊雖有區區之意亦已疏矣

別駕冰清詎敢作持杯之祝

隋書循吏傳趙軌河南雒陽人為齊州別駕在州四

年考績連最高祖徵軌入朝父老相送者各揮涕曰別駕在官水火不與百姓交是以不敢以壺酒相送公清

若水請酌一杯水
奉餞軌受而飲之

賀史通判湜

葭律浮灰候臨小至

少陵有小至詩注或云陽為大陰為小冬至陰極故曰小至 稗史說

者謂冬至前一日為小至歲時雜詠盧照隣年日述懷云人歌小歲酒花舞大唐春是以元日為小歲以此觀之子美之小至即冬至也杜詩有小寒食 棘評佐獄慶舟中作注云小寒食如小至謂前一日也

叶大來

禮記正以獄成告于大司寇大司寇聽之棘木之下陳子昂集豫參評于詔獄易泰小往大來

吉遠莫捧於兕觥見前 誠敢輸於魚素

古樂府呼童烹鯉魚中有尺素書

恭惟某官氣鍾溫厚

禮記天地溫厚之氣始于東北而盛于東南此天地之盛德氣也此

天地之仁氣也

德迪中和

尚書允迪厥德

傑然驥展之材監此龍潛之

邸易乾初九潛龍勿用

鸚鵡杯鷓鴣杓滿介壽祺

李詩鷓鴣杓鸚鵡杯百年三萬

六千日一日須傾三百盃

孔雀扇麒麟爐即儀禁甬

少陵至日遣興詩麒麟不動爐

煙上孔雀徐開扇影還甬尹竦切韓詩龍旆垂天衛雲韶凝禁甬

某襪材綫短泥軼冰

寒

前見

乃分之宜詎敢耻狐貉之厠

韓文投閒置散乃分之宜厠初吏切韻會

間也

惟鄰是卜尚祈分燈燭之光

左傳非宅是卜惟鄰是卜二三子先卜鄰

矣史記甘茂傳甘茂之亡秦奔齊逢蘇代代為齊使於秦甘茂曰臣得罪於秦懼而逃逃無所容跡臣聞貧人女與富人女會績貧人女曰我無以買燭而子之燭光幸有餘子可分我餘光無損子明而得一斯便焉今臣

困而君方使秦而當路矣茂之
妻子在焉願君以餘光振之

回寶慶陳通判中

清水出壑未皇瞻仲舉之興

杜詩炯如一段清水出萬壑置在迎風寒露之玉壺

謝承書周景為豫州辟陳蕃為別駕不就景題別駕輿曰陳仲舉座也不復更辟蕃惶懼起視職

至日

閉關乃條領孟公之牘

條式竹切說文走也從犬攸聲讀若叔廣韻條忽犬即走也通

作條俗作條非游俠傳陳遵字孟公性善書與人尺牘主皆藏弄以為榮

既先施之不敏復

倒置之可慙

莊子喪已于物失性于俗者謂之倒置之民

感君子之鳴謙增

小人之自訟

謙訟卦名

恭惟某官德星維夏

郊祀志望氣王朔言獨見填星

出如瓜食頃復入有司皆曰陛下建漢家封禪天其報德星云師古曰德星即填星也言天以德星報於帝異苑陳寔與諸子姪造荀淑父子討論于是德星聚太史奏曰五百里有賢人喜氣排冬韓詩喜氣

排寒冬汗漫九垓共佇舊瓊之復淮南子吾與汗漫期于九垓之外吾不可以久

駐王獻之傳夜卧齋中而有偷人入其室盜物都盡獻之徐曰青瓊我家舊物可特置之翱翔半刺

暫增新府之雄杜詩半刺已翱翔王勃滕王閣詩序南昌故郡洪都新府召棠之蔭

既成漢竹之符孔邇前見將恐合八能於鸞殿關中記未央殿東有

鳳皇殿駕鸞殿西京賦鳳皇駕鸞注皆後宮別名唐太宗實錄貞觀十八年十一月宴父老于儀鸞殿八能見

本卷代回大徑當歸三點之駕行前見某未遂披雲曹植謝入

觀表若披浮雲而矚白日樂廣傳尚書令衛瓘見而奇之曰此人之水鏡見之瑩然若披雲霧而睹青天也

已深蒙霧

東坡集餘膏所燭常分無盡之光蒙霧而行皆獲不知之潤

無懈徒名於

監郡

歸田錄宋初懲藩鎮之弊置通判以貳州事既非官屬故嘗與知州爭權每云我是監郡朝廷使我

監汝舉動為其所制太祖聞而患之下詔書戒勵使與長吏協和自此稍戢然至今州郡往往與通判不和往時有錢昆少卿者家世餘杭人也杭人嗜懈昆嘗求外補人問其所欲何州昆曰但得有螃懈無通判處則可矣至今士人以為口實東坡詩欲問君王乞符竹但憂無懈有監郡不龜敢望於封侯

莊子

宋人有善為不龜手之藥者世世以泝泝統為事客聞之請買其方百金以說吳王越有難吳王使之將冬與越人水戰大敗越人裂地而封之能不龜手一也或以封或不免於泝泝統則所用之異也

蒙篤二

郡三武岡之情

武岡州今屬寶慶府

特有一紙十從事之況

劉宏傳得

劉公一紙書賢于十部從事

公歸無所亟觀孔雀扇影之還

詩公歸無所於

女信處杜詩孔雀徐開扇影還

德必有隣尚憶狐貉緼袍之立

代回嘉興楊倅

祖堯

圭日舒長頓覺牽牛之遠屏星絢彩益知展驥之長諒

當來復之辰

見前

丕擁疇離之祉

易否九四有命无咎疇離祉疏疇謂疇匹謂初

六也離麗也謂附著也言九四命初身既无咎初既被命附依祉福

伏惟某官稟姿溫厚

賦政和明

詩賦政于外四方爰發

題別駕之輿流聲藉甚懷刺史

之綬闔境安之

朱買臣傳懷其印綬步歸郡邸

幸為嘉禾之民

吳黃龍五年嘉

禾生於由拳

改嘉禾縣

益廣甘棠之蔭某無由面賀猥辱手書

劉宏

傳手書守相

感佩高情藏但深於十襲

闕子宋愚人得燕石藏之以為

大寶革匱十重緹

噓呵凍筆報有愧於七襄

天寶遺事李白嘗於

巾十襲詳見前

便殿對明皇撰詔誥時十月大寒筆凍不能書

字帝勅宮嬪十人侍白左右各執牙筆呵之

代回華亭錢宰

德謙○華亭秦漢為婁縣地漢末孫吳封陸遜為華亭侯華亭之名

始見唐為崑山嘉興海鹽三縣地天寶間割置華亭縣宋因之

律中黃鍾之宮是名天統

見前

身為赤縣之令蓋近日畿

杜氏通典唐縣有赤畿望繁上中下六等之差注京師
所治為赤縣京之旁邑為畿縣赤縣三府共有六縣韓
詩嗟我身為赤縣令操權不用欲何俟尚書考靈憲崑
崙東南有赤縣之州風雨有時寒暑有節苟非此土南
則多暑北則多寒東則多陰故聖人不處焉白虎通京
師者千里之邑號也法日月之徑千里周書注畿方千
里取象于動惟厥時尚書慮善以動動惟厥時利有攸往易七日來復利有攸
往彖曰利有攸往剛長也恭惟某官用儒飾吏循吏傳序唯江都相董仲舒內史公孫宏
兒寬居官可紀三人皆儒者通於以政凝民一綫初長
世務明習文法以經術潤飾吏事
技可伸於刀錦左傳子皮欲使尹何為邑子產曰不可猶未能操刀而使割也其傷實多子有
美錦不使人學製焉大官大邑身之所庇
也而使學者製焉其為美錦不亦多乎
重緹方煖政

肯急於繭絲亟諧六鳳之筭遂振雙鳬之舄某濫紆朝
綬持辱賀緘烹魚得書莫報五雲之體拂龜端策但占

七日之來

俱見前

代回黃巖楊宰

主○黃巖在台州東南六十里本東漢章安縣地永和中置永寧縣

吳屬臨海郡隋改永寧曰永嘉又分其地入臨海縣屬永嘉郡唐復析置永寧縣屬台州天授初改黃巖縣以山為名宋因之黃巖山在黃巖縣西一百二十里山頂有黃石一名仙石山俗傳仙人王

方平居此上有王公客堂

魯臺紀瑞肇新太史之占

見前

楚縣分封竄為令尹之室

杜氏通典周官有縣正春秋時列國相滅多以其地為縣則縣大而郡小故傳云上大夫受縣下大夫受郡縣邑之長曰宰曰尹曰令曰大夫晉謂之大夫魯衛謂之宰楚謂之令尹恭惟某官天朝儀

羽韓文智以謀之仁以居之吾知其去是而羽儀於天朝也不遠矣巖邑絃歌地氣浮

葭新漢庭之律呂見前岸容舒柳認陶令之風流杜詩岸容待臘

將舒柳陶潛傳嘗著五柳先生傳以自況曰先生不知何許人不詳姓字宅邊有五柳樹因以為號屆此

令辰宜其遐祉某寵勤下問愧未先施紅蠟塗金良照

形容之獨老杜詩題詩蠟炬紅又江上形容吾獨老黃柑啖玉仍慙口腹

之累人風土記甘橘之屬滋味甜美特異者也有黃者有頰者謂之壺甘司馬相如傳黃甘橙橐郭璞

曰黃甘橘屬而味精崔寔政論今之臣妾皆餘黃甘而厭文繡晉令閩中縣置守黃甘吏一人廣志捷為南安縣出黃甘梁劉孝儀謝晉安王賜甘啟削彼金衣咽茲玉液稗史貞柑在品類中最貴可珍膚理如澤蠟始霜之旦園丁採以獻風味照座擘之則香霧噀人東坡食柑詩清泉漱漱先流齒香霧霏霏欲噀人又二年洞庭秋香霧長噀手今年洞庭春玉色疑非酒後漢書周黃徐姜申屠傳序太原閔仲叔者世稱節士客居安邑老病家貧不能得肉日買猪肝一片屠者或不肯與安邑令閔敕吏常給焉仲叔恠而問之知乃歎曰閔仲叔豈以口腹累安邑耶遂去客沛

代回趙縣宰

天運回千萬物以之姪育

壬如林切說文位北方也陰極陽生故易曰龍戰于野戰

者接也象人懷妊之形月令注壬之言任也律歷志懷任于壬斗柄插子一陽於是孽

生

韓詩元和庚寅斗插子曹植表千載昌期一陽嘉節四方交泰萬物昭蘇

時惟字民之官

說文字字乳也易女子貞十年不字乳也又愛也左傳大不字小周禮地官之注小國貢輕字之也坐膺

善治之福恭惟某官仁風破臘喜氣排冬舒柳放梅散

作河陽之煖

李詩河陽花作縣

吹竹生黍薰為嶰谷之和

律歷志取

竹之解谷斷兩節間而吹之劉向別錄鄒衍在燕燕有谷地美而寒不生五穀鄒子居之吹律而溫氣至而穀

生今名黍谷

趙日之愛既深

見前

堯雲之就何遠

史記帝堯本紀就之如日

望之如雲注如日之照臨人咸依就之若葵藿傾心以向日如雲之覆幄言德化廣大而浸潤生人人咸仰望

之如百穀之仰膏雨也

某寸材綫短百念灰寒雪後擁爐固已重

拜其細

左傳晉侯享穆叔金奏肆夏之三不拜工歌文王之三又不拜歌鹿鳴之三三拜韓獻子曰吾

子舍其大而重拜其細何也

天隅把繡更得三復之藏

杜詩刺繡五紋添弱線又

天隅把繡衣

回外縣

復其見天地之心小人恐矣

左傳齊孝公伐我北鄙公使展喜犒師齊侯曰魯人

恐乎對曰小人恐矣君子則否此借用

誠者合內外之道君子觀焉宜有

陰隲之祥

尚書惟天陰隲下民

式介陽休之德伏惟某官氣排冬

凜政體春和

文帝紀詔曰方春和時草木羣生之物皆有以自樂而吾百姓鰥寡孤獨窮困之人

或陷於死亡而莫之省憂為民父母將何如

坎維心亨既生芸而挺荔

易習坎有

孚維心亨行有尚注陽不外發而在乎內心亨者也

泰交征吉將連茹以拔茅

易天

地交泰初九拔茅茹以其彙征吉詳見前

對柳舒梅放之辰擁松茂竹苞之

慶

見前

某幸叨聯事辱畀屬辭

禮記屬辭比事春秋教也正義曰屬合也比近也春

秋聚合會同之辭是屬辭比次褒貶之事是比事也

於我如浮雲臺空登於魯觀

見其志在流水琴孰聽於園丘

呂氏春秋伯牙鼓琴鍾子期善聽之方鼓琴志

在流水鍾子期曰善哉乎鼓琴洋洋乎若流水周禮孤竹之管雲和之琴瑟雲門之舞冬日至於地上之園丘

奏之

普回州縣官

視朔登觀又逢十九歲之章

左傳日南至公既視朔遂登觀臺以望而書禮也後

律歷志四時推移故置十二中以定月位有朔而無中者為閏月中之始日節與中為二十四氣以除一歲日為一氣之日數也其分積而成日為沒沒并歲氣之分如法為一歲沒沒分于中中終于冬至冬至之分積如其法得一日四歲而終月分成閏閏七而盡其歲十九名之曰章 測日候圭可愛一丈

三之日

周禮大司徒以土圭之法測土深正日景以求地中日南景短多暑北景長多寒東景夕多風

西景朝多陰日至之景尺有五寸謂之地中左傳趙衰冬日之日也注冬日可愛易氏解冬至日在北陸躔牽

牛去極一百十六度有奇而景長丈有三尺

因微芒之陽德

杜牧之詩陽德比君子初生甚

微芒賀方穀之正人

尚書凡厥正人既富方穀孔傳凡正直之人既當以爵祿富之又當以善

道接

伏惟某官毓秀昂躔

春秋佐助期蕭何稟昂宿而任昉王文憲集序昂宿垂

芒德精降祉尚書日短星昴以正仲冬

垂光井絡

補衡傳揚聲紫微垂光虹蜺文選岷精垂曜于

東井又岷山之精上為井絡

噓物以氣既挺荔以生芸

見前贈人以言

亦連珠而合璧

荀子贈人以言者重於金石珠玉說苑贈人以軒不若贈人以言尚書考靈曜

日月五星冬至起牽牛日月若懸壁仰觀天形如車蓋衆星纍纍如連貝

其考六日四分之

鳳歷入陪五更三點之鵷行

並見前

某睨彼牽牛

睨音莞詩睨彼

牽牛不以服箱注曉明星貌河鼓謂之牽牛服北服也箱大車之箱也

眇焉負鶴天隅把

繡自知無一綫之長

前見

漢女支機聊復效七襄之報

荆楚

歲時記漢武帝令張騫使大夏尋河源乘槎經月而至一處見城郭如州府室內有一女織又見一丈夫牽牛飲河騫問曰此是何處答曰可問嚴君平織女取支機石與騫而還後至蜀問君平君平曰某年某月客星犯牛女支機石為東方朔所識集林昔有一人尋河源見婦人浣沙以問之曰此天河也乃與一石而歸問嚴君平云此織女支機石也南墅閒居錄元豐末有人攜支機石投進者廣可二斗許不圓微戔而碧色天漢左界北斗經其上宋之問明河篇明河可望不可親願得乘槎一問津更將織女支機石還訪成都賣卜人

謝寄居鄉官

杓攜龍角天正肇新

律歷志天統之正施於子半

律轉鳳簫人時敬

授有如是邦大夫之賢者宜曰子攸好德而錫之

尚書而康

而色曰子攸好德女則錫之福

恭惟某官和氣融冰修名揭日

離騷經老冉冉

其將至兮恐修名之不立修名修潔之名也

放梅舒柳不妨泛栢以浮椒挺

荔生芸行即拔茅而連茹七日來復百祿是適

並見前某

假守鄭鄉

鄭玄傳相國孔融深敬於玄為玄特立一鄉曰鄭公鄉詳見前

又登魯觀

見前

按商旅不行之卦敬已閉關

易雷在地中復先王以至日閉關商旅不行

味

形容獨老之詩每思專壑

杜詩江上形容吾獨老陸機文古之逸民輕天下而欲專

一丘之權擅一壑之美豈不身重於宇宙哉世說明帝問謝鯤君自謂何如庾諒曰端委廟堂使百官準則臣不如諒一丘一壑自謂過之徒拜嘉於綿繡左傳鹿鳴君所以嘉寡君也敢不拜嘉莫

效報於檐楹

見前

謝同官

杓躔建子又屆新陽

見前

斗壘同寅有勤善頌

壘魯水切說文軍壁

也斗喻其小猶言得州如斗也尚書同寅協恭和衷哉

惠而好我

詩惠而好我攜手同行

更

以贈君

山谷詩君家所有更贈君

恭惟某官明永其相愛日之政靜

以待陰陽之定盈則有孚

並見前

復其見天地之心受之

无妄

繫辭復則不妄矣故受之以无妄

式裒龐祉丕對龍光某獲託為

寮又逢亞歲十年之閱凋謝詎更思三點之朝

並見前

萬

物之隨開張惟當勉一箱之讀

杜牧冬至日示小姪阿宜詩陽德比君子初生

甚微芒排陰出九地萬物隨開張一似小兒學日就復月將願爾一祝後讀書日日忙一日讀十紙一月讀一箱

回鄉官學職

聽六日四分之鳳律又見新陽詠五更三點之鴈行已

迷舊夢

見前

茲勤善頌但愧過情恭惟某官語染芸香

陳子

昂集持三寸筆
入芸香之閣

氣薰葭瑄

見前

登觀以望自堪織雲漢之

章

詩倬彼雲漢為章于天東坡詩手
扶雲漢分天章天孫為織雲錦裳

閉關而居亦足驗

地雷之卦某寸材綫短百念冰寒

並見前

井底之陽未回

若為觀復

韓渥詩陰氛未向河源塞陽氣今從地底回
東坡冬至詩井底微陽回未回蕭蕭寒雨濕

秋菱注月令冬
至則水泉動

江上之容獨老良感相親

杜詩江上形
容吾獨老天

涯風物
自相親

回學職

杓網建子厯新五鳳之書

五鳳漢宣帝年號應劭曰
鳳皇五至因以改元云 魁

首枕參祥應六龍之邸

天文志魁枕參首易時乘六龍以御天

對時道長

易先王以茂

對時育萬物

即日言揚禮記或以事舉或以言揚

伏惟某人心醉六

經

莊子列子見之而心醉中說云心若醉六經目若營四海山谷詩手抄萬卷未闕筆心醉六經還荷鉏

志在千里

王敦傳每醉後輒詠魏武帝樂府歌曰老驥伏櫪志在千里烈士暮年壯心不已

文

史三冬之用既足三餘

東方朔傳三冬文史足用如淳曰貧子冬日乃得學書言文史

之事足可用也杜詩古人已用三冬足魏畧董遇字季直人有從學者遇不肯教而云必當先讀百遍而義自見從學者云苦渴無日遇言當以三餘冬者歲之餘夜者日之餘陰雨者時之餘也任昉策秀才文聽覽之下三餘靡失劉孝標答劉之遴書九冬有隙三餘暇時多遊書圃代樹萱蘇庾信詩託情忻六學游日愛三餘山

谷詩少年基一簣長歲足三餘

又皇文開萬卷家學陋三餘
雲霄一握之程亟觀一

躍天葩既茂

韓詩天葩吐奇芬

地芥坐收

兩夏侯傳士病不明經術經術苟明其取

青紫如悅拾地芥爾

某一障灰寒百懷冰冷不遠之復願歸飲顏

子之瓢


繫辭顏氏之子其殆庶幾乎易曰不遠復无祇悔元吉

論秀而升尚或勸

漢人之駕

禮記論選士之秀者而升之學曰俊士高帝紀其有意稱明德者必身勸為之駕文穎曰

有賢者郡守身自往勸勉令至京師駕車遣之



四六標準卷四十